





之曰將軍屯兵于此舊有祠宇蕪穢弗治洪武己酉彌月不雨主款縣簿維揚繆君仲禮沿省檄營漕浦口重念民生多艱微粒食何以給賦稅支力役練日齋後稽首曰苟甘澤隨靈以兆有秋願復神位六月辛巳乃雨丙戌丁亥又雨七月丙申又雨溝澮瀟瀟良苗奮興迅雷閃電白晝晦冥雨必自南來咸曰將軍炳靈用答於我簿考工有日紫陽方士黃特敬以記爲謗仲爲兒時未遭逆燹城西門有藺將軍廟金帽錦袍挽弓以射河西五鬼山五鬼山者陰陽家言不利于郡人宜爲射像以厭勝則拔山蓋世之氣亦可慨見嗚呼新安汪王故國香火最盛將軍禦大業之亂與王特後先耳餒而不祠豈人情也哉聲敲鐵騎月明溪上意英雄不死必往來乎其間也爲作迎享送神辭三章使邑人時歌之

有將軍兮貌魁奇金花帽兮紅錦衣彎弓弦兮月半規神其右兮鬱祈祈曾伏兵兮敵若扉木粼粼兮山巍巍朝而上兮玄猿啼暮而下兮白

鶴與飛神彷彿兮來歸路曼曼兮疇依

有將軍兮蘭氏當亡隋兮李世稟英武兮捍鄉里神之靈兮洒甘雨電  
搖幟兮擊雷鼓水洋洋兮悉沮如易荒沔兮為豐稔奠桂醑兮薦禾黍  
神之醉飽兮我心喜

浦之口兮兩水間石礪兮山巖樹枝樛兮不可攀虎伏坐兮鬼撼樓  
而求兮忽而還煙暝兮雨斑走旗槍兮馬嘶寒並暮蘭兮心溥

唐故建縣長史吳公任敷廟碑

張理評

有功於國者則裂地而封之有福於民者則立祠而祀之于以篤勸賢  
之道于以彰旌善之規也其或運廟美而清天步仗神氣而翦群兇道  
暢列城德符百里存乎信史炳然可觀若身出流俗力平險難禦寇活  
民見義懷勇者則有唐故吳長史馬公諱任歡世居新安郡閭門人也  
其實則秦伯之華裔邑有溪曰閭門對峙巨石夾以峻流或狀如門因  
其名也永泰初草寇集黨攻池州破石埭縣以閭門之地為控扼之方

恃險作固為置縣而據之復曰閭門縣民之患也其如倒懸者有矣朝

廷殲伐未聞長幼無安居吉凶無常禮公乃默然智殊人神識超天地

不假韜鈴充全籌略因率邑人數千輩決刺其黨或聞語者則應之如

響從之如雲公於是奮鷹揚挺虎視鄙下莊之勇笑慶忌之捷青萍一

揮赤眉萬眾少頃悉斃長呼大震川搖谷驚不假魯陽之戈以獻長狄

之首所謂上天輔其勇陰德昭其義者也聚黨之所俄為坦途則履春

冰而無險臨深淵而不危蓋以救沸鼎之魚滅燎原之火豈惜死於身

者哉故得民獲胥樂地絕瘡痍男耕女織樵歌漁唱一方之俗賴公之  
力受賜多矣尋屬郡國奏稱請以褒美度其地可置縣焉地即黟之西  
鄉浮梁之東鄉因而建縣隸于新安邑有祁山襲山為名改曰祁門縣  
時代宗愈深嘉嘆召而見之曰諒乎十室之邑却萬人之敵者有矣旌  
義勇之士行激勸之風特教授朝散大夫石州刺史仍賜金紫示賞賢  
之道優異者也天下之士莫不欣然歸之長史復攝茲邑旋改正命為



寇於銅步以溺死四年遣武繼之武乃於武口初鎮至中和二年又於  
要難為營自武口徙判婺源都鎮事戰守數有功至龍紀初楊行密錄  
其功有云昨者趙乾之殘黨經過遠能出軍戰敵擒節級六十餘輩殺  
凶徒二百餘人獲樊津之素書收熊泰之朱記時行密為寧國節度留  
後遂補為節度押衙光化三年遙領汀滁二州刺史始武以私財買民  
地置縣城邑以其稅入已戶左右戰守凡數歲遷縣入焉因以制置二  
十餘年使其人不為外寇侵擾陶雅為歙州刺史暴增民賦武不為屈  
以故迄武之世縣人賴之天祐三年二月武死雅使衙內指揮朱瓌代  
之因制置巡轄四縣後劉津為都制置使而縣人至今祠武號汪司空  
子褒天復三年楊氏承制補左押衙長劍都副指揮使檢校工部尚書  
程都使漢世錄

程都使漢世錄

程祭酒

易得死亡并得之相迫也己矣行年七十位不過嚴將兵不能制鄰  
控於縱橫之諸侯因以攘制之殘寇長安何在指日下以掉心劍額  
通望棧閣而飲血有志不遂撫楮何言重念先世舊塋鞠為荆棘故相  
東閣反成營場平時鄰里鄉黨之人半是梟狐魍魎之物死者郊原暴  
骨生者巖穴藏身屋漏田蕪見鹿已游於町疇軍輸兵餉驅民未免於  
租庸無日不兵無時不火顧奔迫之不暇豈簡編之或收由是譜謀舊  
書幾於灰燼既無路以報國復何意以辱先聊因戰守之餘謾緝世次  
之序自淘而上止忠壯公凡十三世世居黃墩乾符五年歲在戊戌端  
午日黃巢別部入黃墩淘之族人逃難解散賊眾遂營本宅攻劫川谷  
蕩滌殆盡至仲秋初黃巢收部犯闕于時清蹕無聲鸞旗失色行幸萬  
里自同天寶之游負乘九重更甚貞元之僭淘與兄雲思世故之殷共  
謀存活之計其後大盜移國方鎮勤王甫及一年李克用朱温收復長  
安所在州縣戶口減耗其曾經巢賊所過則又甚焉自從賊後山落老

釋稍歸鄉社兄雲遂謀於衆曰黃巢雖沒警氣未除天未悔禍饑饉存  
臻以雲度之不及息肩矣一旦如有雞犬之警吾屬彫瘵之餘豈有焦  
類衆皆泣曰其將若之何雲曰盍相與依山阻險以自安無事則耕織  
以供伏臘君卒則修戰具以相庇衛今鄉里雖殘破然諸君多少年一  
心可圖也衆皆許諾於是共推雲爲巖將依東密山爲寨衆不過四百  
餘人未幾草寇畢鷓楊僊童李重霸孫端查臯陳儒范珠相繼而至衆  
或一二千多或四五萬光啓元年閏月三日陳儒自黎陽引兵薄東密  
自午及酉接戰再四不克而去時鄰近巖寨悉皆破亡獨雲率勵鄉里  
撫之盡道故能得人之情雖其疲敝戰皆倍力雲旣擁衆以謂所在皆  
爲賊守俱非王人獨立以待無所款附他部賊兵皆相畏憚景福二年  
楊太尉行密遣將田頔畧地列郡皆下惟雲堅壁東密頔遣人諭之曰  
太尉已受朝命都督東南行營今日頔來非賊也雲再拜對曰所以自  
保者不欲以三百年太平氏坐爲賊

可得見乎頔因單騎入巖雲具軍容甚肅頔曰卿真將種邪雲曰司空  
見淮南太尉幸爲雲言但得太尉府中一親信人至相與共事錢氏在  
吳不足慮也會楊太尉有孫儒之孽未果從雲所請卽表陶僕射雅知  
歙州奏雲爲歙州副兵馬統帥檢校御史中丞依前東密巖將兼領馬  
金嶺防拓等事以衙內都押衙程陣爲副由是兵聲大振降下富野  
山容山丁山等巖寨戈甲旗物於是始備久之雲以老乞解兵權仍請  
以巖兵付程陣俄而本府以衙內副指揮使程言來領後事雲歸府病  
卒月餘程言果與程陣相愛嚴兵不輯陶僕射大懼蓋歙州連接浙境  
最倚東密以爲藩障故也府咨議陶映言於僕射曰程雲父帥東密人  
情所歸今其弟淘亦足謀畧可更以東密授之於是表淘爲東密巖將  
淘旣至衆皆相悅淘無他長所守者先兄規畧而已每閱兵帳及戶口  
版籍見流亡者無算所存不滿二百戶每歲又納租稅及時糗糧芻草  
之積軍需調發科率百出因竊嘆曰後人逢時無虞體胖心佚豈識向

上辛苦如是邪更有不懷厭滿非上念亂者誠何人哉故因輯家譜之  
 次聊書以示子孫歙州都知兵馬使東密嚴將銀青光祿大夫檢校國  
 子祭酒兼侍御史上柱國洵序海寧舊志程富忠壯公靈洗之後以勇  
 人汪華為帥華定有欽宣抗發饒睦六州稱吳王以弟鐵佛為左相唐  
 珣為右相高華大尉任貴為總管唐高祖既立高華勸華奉六州歸唐  
 鄉人亮于兵安郡公富與貴為國公以職封天瑞為長史鐵佛封宣城郡  
 公天瑞封准安郡公富與貴為國公以職封天瑞為長史鐵佛封宣城郡  
 勅襲論鄉人唐高祖華全郡之德立廟祀之以四人配食富居其一宋道  
 封輔烈侯○唐高祖華全郡之德立廟祀之以四人配食富居其一宋道  
 總管府司馬休寧縣開國侯程富卿昔經離亂備嘗艱險力協心輯  
 寧士庶中達幾變遙布敷誠念此誠為嘉嘆脫君臨四海撫育萬心事  
 資英傑期安兆庶彼藩帶統攝不輕元霜之重故以相授宜善加綏  
 御務立功績使鍾鼎傳業竹帛流名首冬霜寒比無恙否家門大小想  
 各平安故遣使往宣旨意仍寄信物以示朕懷武德四年十一月十一  
 日○程氏譜黃巢之亂高十世孫雲起兵休寧守東密嚴以拒巢副陶  
 惟為歙州兵馬統帥兼捍開化弟相以工部尚書守歙源子仲繁以尸  
 部尚書守祁門浮梁仲繁以兵馬先鋒守歙南節以領軍大將軍守休  
 寧雲傳其弟海陶傳其子旭全禮全禮以龍山賜額顯祐傳其子孫  
 淮沉凡五世守東密嚴其子道此四  
 鎮傳其弟全華全華傳其子道此四  
 世守婺源至宋下江南嚴兵始解

汪端公演祠堂記

王健

婺源東九十里曰鱗溪居人惟汪氏一族其始祖曰端公以官稱也唐  
 大中間汪氏自歙徙而來此至今十餘傳矣李氏時盜賊譴起端公以  
 勇畧選為三梧鎮將捍禦鄉閭拒賊死之衆慕其義遂立廟鎮傍而鱗  
 溪感恩僧舍亦有祠像在焉鄉人奉事甚嚴春秋祭祀以時歲久廟壞  
 碑仆十世孫叔達謀曰廟祠不存則無以揭虔妥靈然立廟重事祠宇  
 弊合新之於是富者出財壯者効力既訖工來請記炎切惟汪氏得姓  
 自魯穎川侯始童子汪錡能執干戈以衛社稷夫子正色稱之汪氏之  
 名遂著于經史及隋末越國公奄撫歙宣杭睦婺饒六州之地庇護其  
 民值唐興運納款歸朝位至金吾爵上公既歿六州之民廟事之存以  
 陰功進爵為王而汪氏由是滋大惟端公之賢其忠義似童子其智略  
 似越公惜其地偏位下不克大焜耀于時然而生則有勞歿則有靈廟  
 食不絕亦可謂豪傑之士矣故提刑王公汝舟通判胡公侃俱記其靈  
 異之跡傳信不誣則端公位雖不登典祀奉以祠廟宜也公諱漬春秋



三十二歲階至銀青光祿大夫勳至上柱國官至檢校太子賓客兼御史大夫一子四孫舉族二千餘指餘慶所鍾蓋有所自云淳熙九年孟冬望日雙溪王炎記趙東山知本堂記畧曰宗法之廢久矣近代盛時而况衰亂之世乎同郡汪復早嘗有志於斯中遭多難雖軍務瑣委未嘗一日而忘乃即星源大畝里中創重屋十奉始得姓之祖神主中居初渡江者及始來居大畝者又為廟屋南修其祖之有封爵在祀典者即以子孫之有功德者四人重屋之下延其族中之聚族人子弟而教之時享月薦賞田以給費合而名曰知本堂祀高祖以下四世其因與主祀事焉別為專祠於潘村故居曰知本堂祀高祖以下四世其因與祭則繼高祖者主之蓋知本者以明大宗之事而承思則小宗之遺意也自禍亂以來所在大家不能相保大畝之族以侯力獨完又作斯堂以尊祖敬宗示將來其所以遺夫族人之初渡江者謂遠矣侯名同始得姓者會成公子諱汪父名嘗食菜類川初渡江者漢龍驤將軍諱文和始居大畝者諱中元有封爵而在祀典者唐越國公諱華配食者曰團練使積官御史大夫諱漬中元其子也曰順義軍使檢校司空諱武義曰靖寇捍患有功曰宋西京之學四友先生諱存存經學行

胡僕射瞳傳

縣志

胡僕射瞳者婺源清華人少負才勇為鄉人所畏服廣明初黃巢犯宣歙瞳起義集壯士禦之境上屢與巢兵鏖戰賊眾敗走并里獲全都統

鄭畋王鐸前後上其功授宣歙節度討擊使銀青光祿大夫檢校國子祭酒兼殿中侍御史上柱國光啓三年升兼御史中丞制詞有誓驅戈

甲必掃撓槍之褒楊行密觀察宣歙復表其勞效加左散騎常侍又進檢校尚書右僕射兼御史大夫卒葬邑之洋義子孫世居清華分處黟

祁門其盛祁門義成福州及歸仁都營壘尚存土人號胡僕射屯軍之所又石壁及長洲有江衙將徐先鋒屯軍之所蓋其將佐也鄉人慕

瞳忠義立祠歸仁都古城上宋淳熙十一年遷廟許村水旱疫疫有禱必應大著靈異焉此據星源舊志如此金仁本新安文輯外編所載唐

子學又追補學傳於遷轉之際皆用宋大觀以後新定官名有可錄者豈瞳學父子官行畧同而逾其事遂誤書之邪○御史中丞結  
右可兼御史中丞餘如故大檢校國子祭酒兼殿中侍御史明瞳等  
前立功名於馬上誓驅戈甲必掃撓槍送升霜憲之榮用張韓門之  
勇可衣前件光啓三年八月日司勳員外郎知制誥臣惟澤行

唐尚書王公肇傳

續圖經

公諱璧字大獻姓王氏其先自江左徙新安晉丞相始與文獻公道守之

後也導十三傳至唐丞相瑯琊簡懷公璵生二子長及次又及為中書  
舍人生諫議大夫鍼生丞相魯國公搏又生鍼公所自出也公生而英  
毅好奇節讀書任俠於魯公為兄弟以世亂不仕乾符中巢賊入江東  
詔天下鄉村各置弓刀鼓板備群盜公以婿鄭傳負材畧相與倡義集  
眾保州里每賊至即率傳等扞禦盜賊民安四境賴之時揚行密為宣  
歙觀察使命陶雅守歙雅屢奏公之功歷補軍職乾寧初以弟搏入相  
請進奏京師會董昌叛浙東詔鎮海節度錢鏐討之加搏右僕射宣撫  
浙東西搏令公以書遺鏐鏐力王事搏未行而鏐誅昌請以公參其軍  
事授鎮東節度判官光化三年搏為崔胤所譖遇害公得報西向慟哭  
說鏐以兵問罪值宣州將田頔攻杭州甚急鏐遣顧全武求救于行密  
命公傳其子傳瓊為質于頔還宣州陰叛行密遣將擊斬頔以公  
宣歙舊人留為牙將而令公少子思謙奉傳歸杭州公從李神福西  
討杜洪又從王茂章南擊安全義皆預有功時行密得承制封拜累授

公銀青光祿大夫檢校兵部尚書加金紫光祿大夫行密卒于渥嗣淫  
虐不道出公行祁門令公遂請老卜邑西百餘里之苦竹港家焉以壽  
終于正寢公子九人曰思聰朝散大夫曰思聰諫議大夫曰思仲中散  
大夫曰思茂行軍司馬戰沒贈越州防禦使曰思會宣州統帥曰思際  
洪州教授曰思經直秘書省曰思諒通議大夫諸子多顯于南唐曰思謙  
仕吳越為客省舍人梁嘗賜吳越名馬一日斃王欲誅屍卒舍人令卒  
毋姬泣告曰馬命兒憤兒命孰償王叱曰誰教汝姬曰王舍人王怒思  
謙覺而去之為追兵所襲而死邦人義其事於所居之側立廟祀焉號  
祁山祠公墓在僊桂下鄉安定都文溪社之彎坦夫人及子通議墓祔  
焉按洪武九年經  
宋寶祐間  
正統

唐司徒鄭公傳家傳

鄭工書

公諱傳字國寶生會昌三年辛亥歲隆準方面美髯身身長六尺餘幼

而剛勇獨力不群自乾符二年盜發中原跨州連郡轉相剽掠搖動鄉  
邦獨公兄弟義居當里衆皆推服乾符四年黃巢寇江浙領三十萬人  
從寧國入涇縣卷甲來寇公以吾境山多令人設鹿角棧道以禦之當  
里之民幸不被害未幾胡曹犯婺源五福鎮嘯聚尋寇本縣居民悉逃  
竄山谷宗族隨之中和元年王仲隱復自秋浦之赤嶺入當縣公慨然  
作色誓舉義旗招集義兵保護郡邑不旬日募數千人嚴加訓練與衆  
同勞苦仲隱知而不修襲之大敗未幾趙言集五千餘人屯西鄉恣劫  
掠燒廬舍公昆弟發軍士夜令人以吾幟插賊營飛火箭於中於是嗚  
鼓賊衆自相吞滅由是遠邇畏慕中和四年劉迺率八百餘人從建德  
涉樛根嶺因假我里公願衆攻之賊欲久駐不得光啓元年李仲霸亦  
率千餘人寇本邑入吾里觀公之建營曰此智將也吾不敢擾矣即去  
之大順元年四月陳孺起會稽從東也寇當縣公慮賊屢勝卒平寇難  
是歲西鄉汪章南鄉能宿各鳩土俗亦僅盈千

因軍經過之後便爲劫掠民間冤訴無門公因憤二惡之不俊也義  
旗一舉首戮章次殄宿當具狀申州乞申朝省郡等中丞憲公差人執  
牒尉諭公兄弟五人各受職事上復褒嘉我公即署爲保義指揮益壯  
公用兵保民之志景福元年孫端自鄱陽來寇本邑公遣先鋒百餘人  
押衙方脩部領義寨數千人與賊戰於水亭設兵擊之殺賊甚衆賊軍  
旣敗奔溶口而猶子元範方守是寨率軍鏖戰端遂潰走淨梁十二月  
汪淑將兵先入黔後至當縣詐捕奉命權轄兩縣事公密使人索其  
勅淑倉皇失對公知其詐遣猶子先鋒延壽帶精卒一千餘人禦淑淑  
軍敗民獲安堵乾寧四年夏章聚五千餘人至棗嶺先遣人來當營  
假道公發二兄藝謂巡檢延光領百餘人至彼以觀事勢章潛懷異心  
攻剽城邑旣見兵少便請索戰藝等覺其難禦堅請歸營章舉兵相  
逐對壘數日先鋒延暉等以秘計衝破賊圍因縱兵擊之擒五百餘人  
得其輜重牛馬以賞軍士三月陳旭從淨梁來寇高塘公於險阨處峽

山雷湖等置寨先設伏兵賊果來攻巡檢延光發伏兵夾擊之矢發如雨須臾賊軍大潰賊遁出池州界夏五月城門宋庠吳庠等剽竊南鄉入吾疆里延暉等統軍至溶口鎮黃沙灘與賊交鋒賊黨瓦解獲其所虜衣物牛羊稍衆分給軍士公無私儲故人樂爲用十二月池州趙僕射差蘇統制領軍至浮梁查救峒經過當縣見吾邑之民熙熙自若謂我公保護生靈賢於長城遠矣是歲李尚書赴歙州任公招集所營兵士申州奏請乞休退巖谷不復視事尚書以公之言奏上復丁寧曰公以忠義奮身立節柔能恤衆猛可除兇慰諭而獎借之俄爾吳王行密勅下補寧國軍節度押衙保義軍使檢校刑部尚書右金吾將軍同正光化二年公以查救峒賊復起爲寇乃於日新里步屯軍先鋒延暉也日新巡檢延光屯溶口忽報查賊入安德里劫掠溶口軍先至日新軍後至公進兩軍合戰殺賊殆盡九月義成寨總管方標馴登寨總管方滿結募上司頗降指揮二人不肯相和公乃遣卒四千逼兩寨元道人

諭之曰和同則不進軍更自矛盾即當撲滅於是二人各立降旗公伏大義讓之曰當此之時愛護衆庶如護元氣守望相助疾病相扶兩虎安得私鬪哉二人請罪公釋之光化三年公遷日新里屯軍是役也公躬親臨視郭內百姓欣迎於道歡聲鼎沸自是四境之內兇徒屏跡衆庶咸安堵矣天復元年田相公收錢塘圍守三載當營差鄭寶率千餘人共收之時寶入見田公因問曰唯爾軍獨整何也寶曰受尚書嚴令不敢有違乾符四年事田公嗟嘆久之謂曰不有君子其能國乎於是申請於朝制下受池州制置公辭以年高不赴任天祐三年浮梁金安者尚據孤壘遂發軍士圍守三月公夢一女戴蓋頭拜於寢前于時公營有異僧號曰大聖釋之曰女戴蓋頭安字也拜於寢前者金安投拜於寢前也勿加兵姑以待之明日安獻地而降大聖曰此瓜藤形也子孫居之綿綿不絕名曰新安焉尋奉恩制受饒州副使兼知州事公退遜恩命辭以年高願駐家山時平樂汪思海口諸巖寨猶有擾民者遂

從司空陶相入衢郭破大浪塢口一十寨擒王廷顯顧全武等再破婺女獲夏候以爲獻吳王於是增秩淮南節度左押衙保義都指揮使金紫光祿大夫檢校司徒兼御史大夫上柱國詔曰三秦蟻聚九廟神遷貢章罔達於嗣君行賞慮孤於勳將先帝以朱題御札鈿卷綸言倚獻替於誠臣俾臣持於大業事無細大澤在滂施前件官媚奪珠靈高分嶽秀力學而九流相瞻游心而六藝兼長聲響如鍾盧子翰輝光於簡牘人材比玉嵇叔夜未足以稱揚洎乎巢盜亂常鄰偷伺隙築高壘以橫遮一面屯義旅而旁振三州故得播以恩威歌其富庶耕奴織婢自有區分烏馬鯉魚各無差謬今則方思尊獎益仗忠勞領前鋒必勝之師副掌武旌賢之舉雅符輿論顯叶前功爰升論道之班兼表統兵之柄可充歙州左右先鋒都指揮使兼西南防遏使迨至開平元年民若瘡痍之後漸獲息肩之所公以本營事重請命于上自甘野處尋屬制下不許辭免加兼右驍衛大將軍同正公自廣明迄天祐躬置嚴寨垂

三十年握兵三萬目覩軍興務加存恤民不失所獄訟不興時天下定獨我一方之民安生樂業當縣自古產茶尋遭亂雜競采雜草公止絕弊源更以佳名謂之剪草商賈輻輳人賴其利至於官人權貨亦及百餘萬上下兼足則公之保護鄉閭有功於世豈小也哉開平五年十二月二十日薨享年六十有九次年歸窆于田源公凡四娶正室王氏封瑯琊郡夫人繼室陳氏孫氏江氏子十三人延暉克左押衙右先鋒第一部都知兵馬使檢校工部尚書天祐三年戰越州諸暨縣亡于陣延辛克歙州團練押衙銀青光祿大夫檢校國子祭酒兼御史中丞延匡克左右先鋒指揮軍都頭順義七年往撫州投臨川克右軍散押衙水軍都知兵馬使檢校工部尚書延光克節度押衙左先鋒第三部都知兵馬使銀青光祿大夫檢校工部尚書兼御史大夫延紹克節度押衙前兵馬副使延芳授將仕郎檢校饒州館驛巡官延璵延琚延珣延玠延闕延英延昇夫洪荒之世部裂封疆創立國邑更名易號何代無

之若當州始則新安汪王世華之起建也增以歙州之額當縣本亦鄉  
土因吳公仁歡之起立也加以祁門之名非獨以創置為功重其當危  
難之時立庇業之大也天分秀氣徽降靈秉公義相先剛柔兼濟奉上  
以忠牧民以仁則自先公始公長弟諱魯朝議郎宣州司馬檢校工部  
郎中知祁門縣二十餘年政聲大治次弟諱致左右先鋒都指揮使歙  
州中軍使檢校尚書右僕射兼益王府長史總握軍權上下輯睦兄弟  
三人舉無過事自吳王改保義軍為先鋒指揮悉封親屬為都頭公東  
收婺睦衢杭南破洪饒撫信臨陣三十有八戰勝三十四處繼受綸言  
數十誥勅二十八道莫不四遠欽風群推備服爰自先公薨沒予乃退  
迹戎旃固守丘園秉持祖業徵饒兩郡稅錢九千餘貫見有兄弟三十  
一房骨肉五百餘口念先勳將門之後特免戶門差役供輸兩邑  
火客三百四十餘所屢蒙驅使許為部助匪先公司徒功勳庶  
後嗣謹錄於州事下

有焯其行有焯其名其亡如存其乃德馨瞻彼田源為公佳城歸於  
間既安且寧保大十二年歲乙卯正月日男廷光述

彭王廟碑

胡雲峯

婺源郡西七十里霍口大溪自張公山來旁一派自三靈山來兩溪合  
處一山雄聳彭王廟在焉王諱舍霍口人唐末黃巢亂率兄弟扞敵鄉  
邑死之桂巖思溪高沙諸處立廟此其降神處也凡禱水旱疾疫如響  
鄉民屢以非道呪咀者神即殛之死未開慶邑未重慶受圍兵交空中  
見大旗曰婺源彭王圍遂解帥李遇龍上其功于朝加封夫以王之英  
烈生而為邑人排賊患死而為國家靖兵兇且自江至蜀凡萬里光靈  
遠揚惠愛旁卒其勳德固宜與祀典為無窮也廟未有記鄉之父老陳  
惠陳穰龍君求予記其事遂為作迎享送神詩俾祀而歌之詩曰  
雙溪合兮溶溶廟孤峙兮東峯水秀兮山雄據異氣兮神所鍾丑口微  
兮賊刃紅張義膽兮戎其躬飛精英兮靈叢舉大旗兮雲中月暈折兮

息羣兇日光懸兮照孤忠役潛蛟兮年無凶驅厲鬼兮翔祥風神之福兮靡以鴻神之祀兮宜無窮

戴虞候傳

家乘

戴虞候護者其先自袁州宜春徙新安至護始居婺源鳳亭里性剛果有武力值巢賊亂後草竊蠡起護倡義與鄉人團結自守會楊行密都督東南行營以陶雅鎮歙州汪武鎮婺源雅聞護名薦補先鋒突將都押衙兵馬使時土賊余公美作亂雅遣指揮使張洪等自衢州白沙鎮進討命護佐之公美就擒進補廂虞候已而汪彖余知禮等以次嘯聚武檄護率所部掩擊之護戮其渠魁釋其脅從一鄉晏然時天祐三年也護尋卒雅表其子壽代領其眾吳順義中官至婺源左建威指揮第一將卒徐知訓復表其子安為右軍衙前總管充饒州左豹捷指揮第一都虞候安守饒甚有威惠南唐保大中官至銀青光祿大夫檢校國子祭酒監察御史上柱國卒于饒州詔葬樂平柳墳山土人感德立祠

祀之子孫居婺源桂巖及休寧隆阜其盛戴護差謀先鋒突將都押衙特舉將戴護之典仰居重職分前件官早推忠赤著勳勞實深獎用之特授充檢校太尉都散員兵馬使兼知州事等語其子安守饒甚有威惠南唐保大中官至銀青光祿大夫檢校國子祭酒監察御史上柱國卒于饒州詔葬樂平柳墳山土人感德立祠

周都巡 繼忠傳

汪子相

周繼忠祁門人宋乾德間都盜竊起繼忠奮身討寇保安鄉民邑父老上其事授邑令歷九年人民按堵盜賊屏息建洞元觀為祝釐之地開寶九年解篆入京授西頭供奉官閣門祗候舍人累遷至銀青光祿大夫檢校太子賓客兼監察御史飛騎尉持節潼川府路巡檢使卒年七十八朝廷賜金帛葬邑西高塘長樂源民懷其德祠於眉山左祀之凡

有疾患禱之必應

英列錢氏二侯吳朝陽

吳朝陽

英列錢氏二侯曰忠曰肅本兄弟讀書尚氣槩自曾祖大理丞隱之家于歙別墅在淳安之蜀溪宣靖中臘寇甫平餘黨尚熾二侯起鄉兵勦平之浙賊况從慶寇淳安一戰敗去建炎三年秋金元术入寇將過浙而西二侯率方庚等引兵逆戰桐廬據牛山之險虜衆敗走功聞補承信郎衢寇張花項犯歙且逼嚴又敗之郡賴以安卒紹定三年歙人上其功郡詣實申省詔立祠歙之乳溪賜額英列忠諡惠顯侯肅諡惠濟侯誥曰昔仲尼有言綱紀天下曰神方建炎辛亥虜馬飲江蕩播我二浙爾兄弟無尺寸兵在手乃能仗義率鄉兵戰兀术于桐江下擊舟礮石虜幾不能支遂遁去推校功烈當與劉韓並驅而史失其事朕甚悼焉既列廟祠又班侯爵尚其子孫世篤忠貞以承休于前功於戲傳矣

蔣進義果傳

李以申

蔣進義果字明道居黃山其先世天台人因宦遊于歙家焉果性剛明仗義不撓不屈建炎四年金人入寇分其將馬吉以兵自宣城犯歙境果奮不顧身率鄉兵於烏泥嶺結寨擊壕發矢礮石賊敗而退郡上功奉旨補進義副尉且賜弓劍旗馬以重之紹興二年賊酋張琪自饒突入歙焚劫甚慘果奉憲臺命復自備糧餉親部保甲隨寓戰鬪屢報擒捷鄉井獲全及賊黨虜城果又調遣鄉兵千餘於城西防拓枕戈待旦曾無休暇未幾兵寢衆皆欲其進為自祭計果曰吾昔屢勞捍寇忠義所激也今偷安田野足矣干祿豈吾志邪終隱弗耀紹定戊子郡人追念不忘咸乞建祠以報遺德范侯鍾成之既祠凡里有雨暘水旱必禱禱必應其三世孫應南以儒學傳所寶建炎紹興公牒具存

汪觀察介然傳

汪路教

汪觀察介然字彥確幼失怙恃鞠於祖母倜儻不羈年十八如京師從伯父四友先生學用開封祥符籍領鄉薦補太學免解不第從岳飛軍



補宣撫司幹官後從韓世清軍殺獲劉忠等賊補進義校尉收復襄陽等六縣以功遷承節郎紹興間與侍郎沈昭遠使金克上指節使轉忠靖郎就添差克本軍指使先是洪忠宣公皓陷虜高宗用其子迨為相屢書求皓虜以不知所在為辭及公使虜遊城上皓聞笑語曰南首也密附蠟丸書公剖股納之歸聞于朝帝召見公以實奏命於御前取書以進上覽之涕泣乃命迨拜公為之厚賂和議乃成明年洪公皓未公弁張公邵皆南還洪公令諸子孫羅拜之曰微夫人之力不及此迨出知徽郡為公建府第朱文公誌朱弁墓得邑人汪介然密附洪公皓蠟丸之功也事見洪公家錄及輜軒集是年公罷任以進義校尉授承信郎添差監臨江軍轉承節郎二十年差克戶部瞻軍酒庫二十一年轉保義郎二十五年差監泰州丁溪鹽場催轄亭戶煎鹽兼本地分巡檢巡提私茶鹽轉成忠郎三十二年轉忠州郎隆興元年轉忠訓郎差充邕州提舉右江兵馬盜賊公事兼沿溪巡檢以舉訓練三十六洞

丁橫山寨駐劄乾道五年轉修武郎九年轉武翊郎轉武經大夫淳熙元年宣差東南第六副將贛州駐札七年移吉州駐札領軍三五百人九年朝廷令大使檢閱兵馬先是戚公不肯為公保官臣僚奏公不諳戰事訓練不精朝廷試公武藝能挽一石二斗弓及走馬以鎗提米一石仍其官以觀察使主管台州崇道觀致仕卒年七十七存初澤之屬州曰婺源婺源源多故家世族而汪氏其一也汪氏之上世祖武經大夫介然當宋紹興初從侍郎沈昭遠使金時洪忠宣公為金人所留以還公之子比公南還命諸子執子弟禮環拜大夫由是顯聞于時其後岳武穆王宣撫江准辟大夫幹辦公事提舉贛州洞丁橫山寨為策也凡大夫所授宣勅詔語并歷任批書三共注復書帖至于今存其七世孫周將所授宣勅詔語并歷任批書三共注復書帖至于今名之以澤存而請記於大夫之墓以處祭掃且以藏大夫之手澤故若書冊琴瑟之類是也大夫之子聞諸禮經人子之所敬其親之手澤者名垂世後之士君子凡聞其風聲而得其手澤者孰不以忠義奮身以功見其為人而况乎大夫之孫子哉是又宜汪氏之孫子世守之而不墜也然自宋南渡至于今數百年中間凡幾變故簪纓世家之鮮不能守至有不能保其身者而况乎先世之手澤哉一守之澤具完以事有廢不能保而况六世七世哉世代有遷革而大夫之手澤具完以事有廢

與而大軼教則將應之日五世而斬者君子之遺風餘澤至五世則泯矣若其手澤之存雖數十世可保也顧其子孫賢不肖何如爾周才與兼者不屑用于時而獨拳拳於大夫之手澤若此可謂無本爾祖者不賢能如是乎後之來者益加謹焉庶乎其不替也

武翼郎差監永州市船務朱公 由義墓誌銘 章秘撰

公諱由義字宜之姓朱氏世居歙之黃墩十世祖制置公古寮唐天祐中以陶雅命戍婺源因家焉而長子拱衛上將軍歙州團練使雲遂居休陽即晦庵先生七世伯祖也公曾祖瑞潛德不耀祖逢時中大夫父晞孟武略郎母童氏岳之官齋封安人公生而岐嶷長而敏練伯父侍郎晞顏心甚愛之每游宦必與俱丞相周益公一見加重特奏補公右階調平江崑山醴曹天台港頭鎮官三山興化都巡使上饒銀銅場與夫福清戎官泉南市舶公之仕其次第可攷也方公之仕也市駿瘴鄉備嘗艱阻公一以恩遇部下皆為之謹收養時水芻馬數無耗朝廷屢加賞迨巡使瓜期至母安人疾逝吏感公平夷惟恐失公至焚臂以祈

安者及任銅場中明利害或壓傷部役昇湯藥棺具此其剛隱一念發於性真人莫不感慨其他善政未易枚舉官泉南僅歲餘以疾卒時番商聞者皆流涕嗟惜此公之忠信篤敬足以行蠻貊抑於是可覘矣初侍郎公尹京兆公之考武畧在焉武畧歿於府治朝紳弔者冠蓋充斥公護柩歸葬長弟蘄州判官由道次弟將仕郎由信極力襄事慈親在堂定省奉養內外無間言此其孝以事親立身之大節也公嗜書史每潛玩有所得輒書黏壁間久而滿室詩得唐體有集以秀軒名公嘗訓其子惟賢曰棄文即戎非我素志學以志道汝其勉旃惟賢書紳不忘千里從師皆當世聞人歷游庠序文聲頗振侍公泉南嘗以文贄倉部劉侯煒叔侯深器之謂公曰真千里駒公有後矣丁酉捧鄉書祭卯預亞選尋任安東州連水縣丞知縣事係肅早以文學著綽有祖父風積善有素所以流芳錫慶未艾也公生於乾道癸巳四月卒於嘉熙巳亥三月積階至武翼郎娶曹繼劉並封孺人惟賢以淳祐巳酉十二月辛

西奉葬於古塘之原其山丁離其向子癸元配曹氏葬前山密通公墓

今惟賢狀公之實遠來乞銘謹第其本末為之銘曰

惟公德人文武弛張厥施未竟必有餘光埋玉于茲長發其祥施于孫

子千古流芳

此州市船務替伊宗尹將來到任成資關聖旨宜差監泉

書省制子兩淮安撫制置使司統制對縣吏之長曰丞所以佐理一尚

也下在學教充當薛人竊見從事郎新宜蘇州承趙希橋行將

於儒學綽有吏能再轉為丞尚需遠次欲辟充前件差遣庶稱官使

人足宜除已將本官脚色家狀送委特差充壽春府下蔡縣主簿權

授真州司法王迪功立中點對公朝無礙今遵依未准降指取索本府所

指揮項希橋將來書滿闕仍給降付身發至指揮本司給付施行狀候

行安東州連水縣丞米迪功仰恭依前項省制內備奉義及其子連水

縣丞惟賢勳勳二通公八世孫處士彥榮之所藏也考朱氏譜其先與

文公先主實同所出蓋其居世在唐有諱古寮者號制置茶院府君生

三子長雲為歙州團練使居世在唐有諱古寮者號制置茶院府君生

委源雲傳八世為師顏宋隆興二年進士工部侍郎封休寧縣開國男

由義源縣開國男由義之從祖也兩派皆出而文公適德之澤

封發源縣開國男由義之從祖也兩派皆出而文公適德之澤

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

朱氏後人尚易之哉弘治壬子秋九月望日活溪後學汪奎書

統領程公安節傳

家乘

公諱安節字元亨姓程氏梁將軍忠壯公之後也忠壯十二世都使公

雲以禦巢賊有功居休寧雲四世迪為本縣簿子孫定居邑之山斗公

則縣簿十世孫也少喜讀武經好馳馬習射以功名自許嘉定四年有

詔募雄邊義士公出應募屢隨主將禦金人有功帳前總轄王德和上

言程某忠勤宜加獎擢詔授京西招撫司遊擊義士軍副將兼統領時

江淮京湖制置使李珪趙方以與金人絕好傳檄招諭進討公每在行

恩賞有加卒于軍歸葬山斗排嶺泰塘原子四人長崇補太學上舍次

岑早卒次峒為司省掌書吳崧從父軍中以功補進武校尉進授承信

郎諸孫曰寔湖南潭州路分曰傳新淦知縣曰華郴州判官曰真行院

郎諸孫曰寔湖南潭州路分曰傳新淦知縣曰華郴州判官曰真行院

都事曰榮曰英俱太學上舍曰雲曰漢俱宣教郎補進武校尉三行  
 奉聖旨第一等功特補特四官資第一等功特轉補三官資第三等  
 功特轉補兩官資今割付吏兵部施行準在數內立到第一等功特轉  
 四官資并普例三官資通共七官資合補進武校尉年四十六本貫嚴州  
 前項資指揮共特轉七官資合補進武校尉年四十六本貫嚴州林  
 縣千進武校尉化里父名安節準勅補充進武校尉信右程崇進武  
 補充進武校尉右可持授承信郎先帝復飲承於於射宜與恩各增一  
 亦程武階之既承事於先帝復飲承於於射宜與恩各增一  
 嚴准奉慶物如右滕到奉行咸淳三年十一月十三日依

程武魁 鳴鳳傳

汪子相

程鳴鳳字朝陽號梧岡祁門善禾人少穎異博學洽聞宋淳祐丙午應  
 武舉寶祐癸丑射策居第一乙卯戊午以經學兩請漕舉初授殿前司  
 同正將除閣門宣贊舍人改知德慶府陛辭指陳時事剴切無所回避  
 上嘉納之將官適部內山獠獗猖或止其行乃正色曰方天下多事之  
 秋正臣子奮忠之日伏馬不鷹吾不忍為也毅然前進未及境奉檄促  
 令赴郡至則條事宜上于帥出奇掩擊賊大憙而尸之餘黨悉平士民

咸詠之及代主簿建昌軍都觀以歸治亭榭于山谷間扁曰盤隱若  
 將終身焉未幾起知南雄州朝辭進無逸說上獎諭再三比至州常賦  
 外折銀錢歲輸六千緡亟請復之三年解組而歸終于盤隱焉公精  
 草書墨戲有讀史發微三十卷詩文二集子美授進武校尉姪克柔  
 任本縣主簿大禮赦書節文惠武武武武武武武武武武武武武武武  
 程鳴鳳故父贈從義郎夢衡右師贈訓武郎  
 景定五年三月

帥幹程公驥傳

程桂巖

公諱驥字師孟一字李龍梁將軍忠壯公後十七傳至諱炳者始居休  
 寧官溪又七傳至學正公以明經起家公高祖也曾祖卓祖汝礪父思  
 禮皆克世其學公生而器局宏遠偉姿容望之若神人性極聰悟凡諸  
 經子史律曆之書一覽輒盡其義時元寇日迫公慨然思為國致力遂  
 與諸義士日出習武事兼治七書端平三年勅充武學生尋陞上舍開  
 慶元年登周震炎榜進士赴御射勅賜武舉出身賜玉軸綾誥錦囊授

承節郎分隸鄂州駐劄御前諸軍統制司同準備差遣以親老乞就近  
 改差建康府侍衛馬軍行司同準備差遣未幾丁內艱服闋補舊任考  
 滿轉保義郎除權中書舍人時賈似道崇姦誤國知事不可為遂乞祠  
 主管建昌軍仙都觀父之得請致仕於所居傍鑿池引泉構亭為游息  
 之所榜曰林泉風月日與名勝吟嘯其間不復染指世味也嘗書座右  
 曰無毀之謂譽無憂之謂樂無求於人之謂富無屈於人之謂貴人以  
 為名言宋亡元訪求舊臣甚急公益屏絕自號松軒以見志年七十三  
 而卒娶西路倪氏側室羅氏子男三曰文豹文虎文陞葬里之和睦干  
 所著有松軒集若干卷補武學主功牒行在國子監學正程驥本  
 卓故不仕祖女孀故不仕父思禮未仕習七書紹定五年補中當  
 年與一歲來建太學以奇羣行齊相率既底于成復設武學承  
 祖宗善制士之來游日益羣行齊相率既底于成復設武學承  
 公曠所授武學主功牒一而大抵亦在二虜故南渡後名士多  
 兵然當開景之際松軒亦在二虜故南渡後名士多  
 社屋矣右公其也松軒亦在二虜故南渡後名士多

尚質能續其譜系及編流芳集以昭先烈八世并人今世  
 其遺書而文作詞一墓以奉時祀則公之火也義舉一  
 卷名史冊顏其詩禮之葉慈孝之風所以勉者承而後  
 亦不可及矣弘治乙卯夏六月既望休寧陪都宗後學  
 政書



新安文獻志卷九十六下

行實材武

元鞏昌總帥隴右汪義武王世顯傳子德臣孫惟正

良臣

宋潛溪

乙集

汪世顯字仲明鞏昌鹽川人系出旺右族按汪氏譜越國公第三子

邈茲高昌有功世守鞏昌唐季没于李氏號曰汪古族猶曰汪氏舊家

云爾西人方言或誤稱汪為旺或誤稱古為骨故元史以為汪骨云○發源大坂譜元至正中禮部尚書

澤氏嘗會王之孫襲總帥者于燕京相與通譜仕金屢立戰功官至

鎮遠軍節度使鞏昌便宜總帥金平郡縣望風款附世顯獨城守及皇  
子閣端駐兵城下始率眾降皇子曰吾征四方所至皆下汝獨固守何  
也對曰臣不敢背主失節耳又問曰金土已久汝不降果誰為邪對曰  
大軍迭至莫知適從惟殿下仁武不殺竊意必能保全闔城軍民是以  
降也皇子大悅承制錫世顯章服官從其舊即從南征斷嘉陵橋大安  
田楊諸蠻結陣迎敵世顯以輕騎馳撓之宋曹將軍潛兵相為犄角世

顯單騎突之殺數十人黎明大軍四合殺其主將入武信遂進逼資普  
軍設萌宋將依山為柵世顯以數騎往奪之乘勝定資州略嘉定峨眉  
進次開州時方霖潦由間道攀緣以達宋軍屯萬州南岸世顯即水次  
造船以疑之夜從上游鼓革舟襲破之宋師大擾追奔至夔峽過巫山  
與宋援軍遇斬首三千餘級明年師還攻重慶會大暑乃罷歸觀太宗  
錫金符易其名曰中山且歷數其功世顯拜謝曰此皆聖明福德所致  
臣何預焉辛丑蜀帥陳隆之貽書請戰聲言有衆百萬皇子集諸將議  
之感謂隆之可生擒也世顯曰顧臨敵何如無庸誇辭為軍薄成都隆  
之戰屢却擊解不出其部曲田顯約夜降隆之覺之世顯曰事急矣亟  
梯城入救顯得與從者七十餘人出獲隆之斬之世顯復簡精銳五百  
人擣漢州州兵三千出戰城閉盡沒三日大軍薄其城又三日克之癸  
卯春皇子第功承制拜便宜總帥秦鞏等二十餘州事皆聽裁決賜虎  
符錦衣帶世顯先已遭疾至是加劇皇子遣醫絡繹往療竟不起年

四十九中統三年論功追封隴西公諡義武延祐七年加封隴右王  
七人忠臣鞏昌便宜副總帥次德臣次直臣鞏昌中路都總領歿於王  
事次良臣次翰臣奧魯兵馬都元帥佐臣鞏昌左翼都總領歿於王事  
清臣四川行樞密院副使

德臣賜名田哥字舜輔年十四侍太子游獵矢無虛發襲爵鞏昌等二  
十四路便宜都總帥從征四川軍出忠涪所向克獲進攻運山率麾下  
先所乘馬中飛石死步戰拔外城宋將余玠攻漢中德臣馳赴之玠聞  
遁去憲宗素聞其名及入覲所陳悉嘉納賜印符命城沔州沔據嘉陵  
要路德臣繕治室廬部署官屬數日而集進攻嘉定敵潛軍夜出德臣  
迎戰殺百人還至左綿雲頂宋軍乘夜斫營覺之殺千人生擒百人進  
次隆慶宋軍仍夜出與力戰盡殺之及馬漕溝遇伏兵與戰獲其統制  
羅廷鶚又詔德臣城益昌諸戍皆聽節制世祖以皇弟有事西南德臣  
入見乞免益昌賦稅及徭役漕糧屯田為長久計竝從之即命置行部

于鞏立漕司于沔通販鬻給餽奏乞以兄忠臣攝府事使已得專事  
益昌益昌爲蜀喉襟蜀人憚其威名諸郡環視莫敢出鬪甲寅春旱嘉  
陵漕舟水溢議者欲棄去德臣曰國家以蜀事託我有死而已奈何棄  
之盡殺所乘馬饗士襲嘉川得糧二千餘石雲頂呂遠將兵五千邀戰  
卽陣擒之復得糧五千石旣而魚關金牛水陸運皆至屯田麥亦登食  
用遂給夏獲宋提轄崔忠鄭再立縱令持檄諭苦竹守將南清以城降  
所俘城中民悉歸之東南戍卒數百有去志德臣揣知之給券縱去皆  
泣謝未幾山寨相繼輸欵宋將余晦遣都統甘閏以兵數萬城紫金山  
德臣卽選精卒銜枚夜進大破之閏僅以身免南清北覲其下殺清妻  
子以叛蜀將焦遠領兵餉之德臣擊敗遠盡獲所餉資糧冬蜀兵二萬  
復至又敗之獲糧百餘艘魚關至沔水迂回爲渡百有八至是悉爲橋  
梁戊午歲帝親征次漢中德臣朝行在所初諸路軍成都梓爲宋兵所  
圍德臣遣將赴之約曰先破敵者奏領北城圍遂解詔候江南事定如

約以城與之帝幸益昌駐北山謂德臣曰來者言汝立利州之功今見  
汝身甚小而膽甚大不知敵曾薄汝城否德臣對曰賴陛下洪福未嘗  
一來帝曰彼憚卿威名耳賜金帶且俾立石紀功嘉陵白水交會勢洶  
急帝問船幾何可濟德臣曰大軍百萬非可淹延當別爲方略卽命繫  
舟爲梁一夕而成如履坦途帝顧諸王曰汪德臣言不虛發賜白金三  
十斤仍命刻石紀功苦竹旣逆命至是攻之巖壁峭絕或請建天橋帝  
以問德臣曰臣知先登陷陣而已建橋非所知也旣而橋果無功乃率  
將士魚貫而進帝望見歎曰人言其膽勇豈虛與邪宋將趙仲武納欵  
而楊禮猶拒戰奮擊盡殺之德臣微疾帝勞之曰汝疾皆爲我家飲以  
葡萄酒解玉帶賜之曰飲我酒服我帶疾其有瘳乎德臣泣謝宋龍州  
守將王德新遣所親願効順以郡民爲祈奏如其請進攻長寧拔之斬  
守將王佐帝東下德臣爲先鋒抵大獲山奪水門宋將楊大淵遣子乞  
活數萬人命引至帝前爲請旦日大淵率衆降已而運山青居大梁皆



降攻釣魚山守臣王堅負險五月不下德臣單騎至城下大呼曰王堅  
我來活汝一城軍民宜早降語未既幾為飛石所中遂感疾帝遣使問  
勞俾還益昌奏曰陛下尊為天子猶冒寒暑服勞于外臣待罪行伍死  
其分也又遣丞相兀真賜湯劑卒不起年三十有六中統三年追封龍  
西公益忠烈子六人長惟正次惟賢大司徒惟和昭文館大學士惟明  
以質子為元帥惟能征西都元帥惟純權便宜都總帥

良臣年十六七即從兄德臣出征每戰輒當前鋒以功權裨帥兼便宜  
都府參議癸丑歲以德臣薦為鞏昌帥領所部兵屯田白水蜀邊寨不  
敢復出鈔略憲宗親征軍至六盤良臣還鞏昌供億所須事集而民不  
擾詔權便宜總帥府事良臣奏願與兄德臣効力攻四川帝曰行軍餽  
餉所係不輕汝任其責自可立功良臣既奉命治橋梁平道路營舟車  
水陸無壅儲積充軼有旨賜黃金弓矢旌其能世祖即位阿藍台兒渾  
都海逆命劫六盤府庫西垂騷動詔良臣討之馳至山丹置營按兵不

戰者凡二月賊大舉至耀碑山兩軍相當良臣慷慨誓諸將曰今日之  
事係國安危勝則富貴可保敗則身戮家亡苟能用命縱死行陣不失  
忠孝之名眾聞踴躍而前會大風揚沙晝晦良臣手刃數十人賊勢沮  
衆軍乘勝擣之賊大潰獲阿藍台兒渾都海殺之西鄙輯寧捷聞賜金  
虎符權便宜都總帥中統二年火里叛復討平之入覲賜燕屢稱其功  
良臣拜謝曰臣奉諸王成筭何功之有世祖嘉其能讓復賜金鞍甲冑  
弓矢轉同簽鞏昌路便宜都總帥宋將咎萬壽帥戰船二百沂江而上  
欲掩青居良臣伏甲數十艘其後身先逆戰萬壽敗走伏發獲之三  
年授闡達廣安順慶等路征南都元帥良臣以釣魚山險絕不可攻奏  
請就近地築城曰武勝以扼其往來四年春良臣攻重慶命元帥康士  
禿先驅與宋將朱祺孫兵交良臣塞其路引兵橫擊之斷敵兵為二  
敵敗走趨城不得入盡殺之至元六年授東川副統軍八年元子惟正  
請於朝謂良臣久勞戎行乞身代之九年復授良臣昭勇大將軍鞏昌

等二十四處便宜都總帥兼本路諸軍總管明年召入帝曰以都  
破兵父須卿安集之授鎮國上將軍樞密副使四川行樞密院事蜀人  
安之十一年進攻嘉定外萬壽堅守不出良臣度有伏兵大搜山谷果  
得而殺之進壘薄城萬壽悉軍出戰大破之伏尸蔽江萬壽乞降良臣  
奏免其死居民安者良臣統兵順流而下紫雲瀘叙相繼款附還圍重  
慶十三年宋浩女撫楊立帥兵救重慶者再良臣皆敗走之宋安撫  
張珪遣將乘虛襲據瀘州良臣還軍平之復攻重慶十五年春張珪悉  
衆慶戰良臣奮擊大破之身中四矢明日督戰益急珪所部趙安開門  
納降珪潛逃良臣禁俘掠發粟賑饑民大悅四川悉平捷聞世祖喜甚  
召良臣入覲授資善大夫中書左丞行四川中書省事賜白貂裘良臣  
陳治蜀十五事世祖喜納良臣至成都以蜀瘡痍之餘極意循撫行省  
罷改授安西王相不赴十八年夏疾卒年五十一贈儀同三司諡忠惠  
加贈推誠保德宣力功臣儀同三司陝西等處行中書省平章政事

國追封梁國公子七人惟勤雲南諸路行省平章政事惟簡保寧萬戶  
惟基同知屯田總管府事惟永征西都元帥惟恭階州同知惟仁人匠  
總管達魯花赤惟新漢軍千戶

惟正字公理幼穎悟藏書二萬卷喜從文士論議古今治亂尤喜談兵  
時出游獵則勒從騎爲攻守狀父卒于軍皇姪壽王俾權襲父爵守青  
居山世祖卽位遂真授焉初憲宗遣渾都海以騎兵二萬守六盤又遣  
乞台不花守青居至是渾都海叛乞台不花發兵爲應惟正卽命力士  
縛乞台不花殺之世祖嘉其功詔東川軍事悉聽處分中統二年入朝  
賜甲冑寶鞍三年詔還鞏昌部長火都叛民大擾惟正謂將吏曰火都  
今若獬犬方肆狂齧苟一戰不利則城邑爲墟當勝以不戰乃發兵踵  
之賊欲戰不得休則撓之若是者兩月知其糧盡勢蹙曰可矣與戰屢  
捷火都遣三十人來約降卽遣其十人還俾火都自來因潛兵攝其後  
出其不意擒殺之至元七年宋人修合州詔立武勝軍以拒之惟正臨

嘉陵江作柵阨其水道夜懸燈柵間編竹爲籠中置火炬順地勢轉走照百步外以防不虞宋人知有備不敢近九年帥兵掠忠涪獲令簿各一破寨七擒守將六降戶千六百有奇捕虜五百會丞相伯顏克襄陽議取宋惟正奏曰蜀未下者數城耳宜併力攻餘杭本根既拔此將焉往願以本兵由嘉陵下夔峽與伯顏會錢塘帝優詔答曰四川事重舍卿誰託異日蜀平功豈伯顏下邪未幾兩川樞密院合兵圍重慶命益兵助之惟正奪其洪崖門獲宋將何統制皇子安西王出鎮秦蜀召惟正還十四年冬皇子北伐而藩王土魯叛於六盤王相府命別速帶領兵進討惟正爲副別速帶不習兵師行無紀惟正爲正部曲肅行陳嚴斥使凡軍政一倚重焉進次平涼簡鞏兵銳者八十人與俱至六盤土魯據西山惟正分安西兵爲左右翼鞏兵獨居中去土魯一里許皆下馬手弓土魯遣百騎突陳惟正令引滿毋發將及又命曰視必中而發於是矢下如雨突騎中者三之一餘盡馳還土魯軍遂走惟正麾兵逐

之三踰山至蕭河擒叛將燕只哥復進兵土魯亦就擒安西王至惟正迎謁王歷稱其功明日大燕賞以金尊杯貂裘王妃賜其母珠絡帽衣且曰吾皇家兒婦也爲汝母製衣汝母真福人詔惟正入朝世祖推王食食之賜白金五千兩錦衣一襲授金吾上將軍開城路宣慰使十七年遷龍虎衛上將軍中書左丞行秦蜀中書省事賜玉帶以省治在長安去蜀遠乃命惟正分省于蜀蜀土存罹兵革民無完居一聞馬嘶輒奔竄避匿惟正留意撫循人便安之二十年進階資德大夫二十二年改授陝西行中書省左丞入覲上都得腹疾還至華州卒年四十四謚貞肅二子嗣昌武略將軍成都管軍副萬戶壽昌資德大夫江南行御史臺中丞學士雍郡虞文靖公汪氏世家勳德錄序國家龍興湖漢山東西之間豪傑並起據保城壁大抵非金署置之舊權右鞏昌汪氏據高制遠統郡縣數十勝兵數萬號曰便宜都總帥柵石門爲金守者三世及我兵攻鞏昌則金亡已世矣汪氏猶不忍降其子闕端皆曰君死國亡民將安歸乃縞素爲金發喪登陴哭三日因皇子闕端以自歸太宗皇帝察其誠仍以爲便宜都總帥鎮故地取蜀之役資糧甲兵之賦終始畢給功多之紀他將鮮儷焉此諱世顯者所以封隴右王也

王有千八人孫十九人多居將相官封公者已八人傳五世兄弟子孫  
百八十餘人總領軍章昌者既世其職餘多大官尤顯者今御史中丞壽  
昌也其兄成都萬戶則先登家廟之碑又在請輯錄刻模以傳于世諸  
具譜牒行事歲月則先登家廟之碑又在請輯錄刻模以傳于世諸  
太史太史虞其曰予觀于功臣之家以世業顯融固多得統其軍世守  
其地者推汪氏或曰道家忌三世為將汪氏之德必有大過人者其言  
信歟予固以汪氏先人事故主無憾見信國家非他人所得而及也

便宜副總帥汪忠讓公忠臣神道碑

姚文公

便宜副都總帥忠讓公諱忠臣字漢輔便宜都總帥隴西義武公之家  
嗣便宜都總帥忠烈公德臣中書左丞忠惠公良臣四川行樞密副使  
清臣之兄故副都總帥惟益之考中書左丞貞肅公惟正今平章政事  
惟賢中書右丞惟孝叅知政事惟勤宣慰使便宜都總帥惟和同知宣  
慰權總帥惟純屯田萬戶上萬戶惟簡惟允上千戶惟弼知階西和州  
惟敬惟恭之伯考今懷遠大將軍便宜都總帥安昌為質求昌王必昌  
之祖宣慰使元昌副萬戶朝昌便宜都總帥壽昌之伯祖也卒以至元  
丙寅四月五日受謚于元貞二年丙申推至義武卒年癸卯實五十四

年祖孫一門三世五公文許連姻王室自餘將相使牧為質猶十八人  
此吾元有國而來所無者嗚呼不曰世臣之家謂之何哉公王姓由大  
父彥忠世汪骨族故汪姓金主以甲午正月死蔡義武時即險移鞏治  
石門山猶行天興正朔明年乙未始下太宗義為其主後來仍金官官  
以便宜都總帥俾從皇子閣端征蜀公留質帝所忠烈質皇子所制後  
令公從征蜀以管軍總領從破文階州大安軍從攻成都入其邪義武  
陷伏中急公疾戰殺傷數十人竟衛翼而出壬寅以破土番豐州功賜  
銀符明年義武卒有子七人皇子擇宜世帥者意在忠烈謂公曰汝宜  
世吾欲帥汝弟而得無後其心乎公曰王未有言臣欲推授為之與兄  
有異邪王高其行授公鞏昌元帥知府事丙午以前茅忠南功授金符  
故事祖宗賓天取符節悉收還之故公金符亦歸之官憲宗二年壬子  
償賜之俾權都總帥事明年癸丑世祖以大弟總天下兵既移忠烈一  
軍戍利州會將軍南詔馮牙臨洮公來趨覲俾督漕嘉陵繼利州魏公

造舟棧塗水陸兼行足缺兵籍而恤乏民力始益昌不以饑告戊午憲  
宗自將討蜀忠烈集諸將問計樓上曰吾州凋傷之餘玉帛無所於得  
一旦乘輿至左右近貴之臣需求何以爲資公則曰吾曹拔身健兒惟  
有能獎率士衆効死前驅何至爲是媚人定死前驅公惟恤吾妻子其  
責忠烈泫然灌酒地曰兄與諸將薰心誓是德臣何言所孤兄諸將託  
者有如此酒大駕至利巡所治樓壁橋隍嘆曰使吾非戍此敵先之則  
四川領喉之地可必能歲月平哉遂移師西南攻劔關之西隘曰苦竹  
隆慶府治其上西北東三面斷絕深可千尺猿獠不能緣以上下者也  
其南一塗一人側足可登不可並行敵盡銳禦者惟此而帝勅諸軍攻  
未至其地無張汝幟自伐鼓督之公前登帝望幟張倡爲歌呼六軍和  
之聲動天地隘之兵民飛崖如蝶前是獲敵張都統伏爲蜀導反給帝  
曰吾能誘此柵令降遣入行則反爲敵用且泄吾軍何地強弱何倉豐  
餒教使勿下帝爲書繫筒箭三射入柵令必生致獲之藥以徇資銀爲

兩四百五十潼川府治長寧山攻復先登資銀如苦竹數加以金幣爲  
尺二十七復移軍東卽嘉陵爲舟行計輿礮竿鉅絙以從公奏無所事  
此此前塗所不乏者不若舟米數千石蓋此去多稻而求粟無有宜虞  
以廩病者時逢州壁運山關州壁大獲順慶壁青居廣安壁大梁平破  
竹皆下東南抵合璧釣魚山渠江水會其下石邑入雲其帥王堅據不  
卽下礮矢不可及也梯衝不可接也帝欲乘拉槁勢不棄去而必拔之  
故久蹕此時暑熱師疫矣忠烈卒於軍公泣集將佐議曰吾奉卒軍馬  
革裹屍與國責塞子惟正雖未弱冠宜世衆曰公言是公言是願奉以  
代爲帥其秋帝崩中統之元制以公爲副都總帥從所志貳貞肅同戍  
青居去順慶平土二十里西北東三面環江北江殊回遠不可爲池南  
依山而壁平可馬上無大艱崎其南卽合敵出入吾界無時於兵法爲  
交地公又子身受之開屯田練軍實遙候斥詞強鄰入必摧壞其軍不  
令棄去後詔貞肅還鞏昌公獨保戍三年璽書褒大之又換金符二年

秋抄獲府獲其團練使鮮恭知府張甲及路分二人斬刈千餘獲遣甲  
伏寶幣不可計入覲資以虎符銀章銀幣如長寧之數而加金爲兩  
五十副以鞍勒弓矢衰其從者且以夕勞于邊代以忠惠還之鞏昌俾  
副都總帥由行省受命還得疾秦亭歸至古漳故第而卒年止四十八  
其年六月從葬古漳先域爲性安恬出言質直如其心事隴西郡夫人  
母包以孝聞友諸季終其身竭力導才羽翼之人無可間總帥府屬郡  
二十四事至殷也身自爲與從父副弟副猶子三世時得專殺未嘗妄  
笞殺一吏一人然至臨敵決戰上馬挺槍離陳先次巧捷若神當者紛  
披莫有我禦其旁矢奇中可方古人憲廟出畋遇虎命射之一發斷其  
吭帝喜至解所御金鞍爲賜夫人故金蘭定西會德順五州帥張雲之  
女惟益纔世副都總帥二年而卒一女適鎮撫帥府張文煥老將之從  
公者母曰公爲人信厚安昌必昌復信厚可曰善世其家者由安昌求  
銘公碑燧思於公與貞肅所成之地無不至焉青居之不可恃爲固者

前所以言楊氏張氏蒲氏皆行帥府大獲運山大梁平故地與便宜其  
時目曰四帥府青居南迫合獨受敵鋒爲三帥扞蔽他日專劉帥成移  
貞肅南九十里夾嘉陵東西築武勝軍武德軍兩城距合爲里亦然晝  
則出邏設伏嘗待進戰夜則畫地分守傳警鼓柝篝火照城遠曙以防  
竊入一話一言敵盡知之况敢抽兵邀利他求爲哉惟是軍當其堅重  
故三帥反得歲以拔敵柵壘掠敵府庫劉其人民逞志於忠涪嬰黔萬  
施雲安之間上功朝廷用事之臣第知三帥立勞之多而是府獨寥寥  
也終未有能明其然者又貞肅去青居敵夜大至火民居縛劉帥去鑿  
天人之失如此則兩公成而克完者功不大哉凡此或者貞肅碑所逸  
故發之此銘曰

椒聊遠條求今之世方漢金張纔有汪氏隴西開國義武肇之義武之  
爲不作倫彛忠讓忠烈忠惠貞肅遍艾川涼力協謀一繼繼其來將相  
之多不符垂躬必斧柯歸覲私廟庭笏駢羅公以其序太宗義武於

弟以子宜不降俯乃推僑功潛不自張等翊吾家聞命即行安流洋洋  
如水就防所由不年其盡瘁致子而天闕歸以何戾彼蒼者穹監下而  
公惟我皇上心靡不同疇德未報未隆何功三紀後公一朝哀崇公有  
令孫人曰公似雖華其年已踐公位古者大宗合族恃之祭求其膳尊  
祖之思胥是冢旁可萬家邑表阡有碑車過者式公隴西碑安揚文敏  
世之所謂世臣舊家多矣其能使勳業之盛愈遠而有耀子孫之傳愈  
隆而不替繼繼繩繩歷數百年如一日者又豈多見哉予觀隴西碑  
屬忠孝建勳業有光厥祖宜其垂聲振華歷金元而逮於後者又莫不  
論世臣舊家之盛者孰有越於汪氏哉汪之先連世為隴右古族都總  
人長忠臣世曰世顯元拜便宜總帥專制秦鞏等二十餘州事世顯子七  
至大官而德臣良臣尤顯孫十有九人直臣良臣翰臣佐臣清臣俱有  
以列朝著與終藩之分符建節聯珪疊組為時顯人者不可勝數於其  
他勝我忠臣之後曰庸者別諱靈真保元季襲都總帥資善大夫陝西  
行中書省左丞武初以其所守故地版圖來歸  
太祖皇帝嘉之授昭勇大將軍鞏昌等處都總帥後羅總帥府  
改授安遠將軍鞏昌衛世襲指揮同知迨今又四世矣庸傳義美三子  
揮安事掌鞏昌衛事世襲指揮同知迨今又四世矣庸傳義美三子

子序予重其意不獲有辭夫謂非但以推本原之遠聯族屬之衆而  
謂之華也蓋將以昭先德示後人思所景仰而紹續之也如舉其  
者為王氏子孫言之世顯當元太宗時全活一郡縣望風納款獨世  
為金城守者三年已而度勢不可支欲全活一郡縣望風納款獨世  
臣太師隴西公諡義武元帥平蜀功居諸將右卒增推忠協力佐運功  
宗良臣惟正之事世或世或世或世或世或世或世或世或世或世或世  
兼或治蜀留正之意無循世或世或世或世或世或世或世或世或世或世  
可文錄入我忠貞豐功盛烈煥炳炳燿燿諸史傳而家乘所載者又嗟  
夫莫為於前雖美弗彰莫繼於後雖盛弗傳汪氏子孫數世而紹續之  
承愈遠有耀愈隆不替如此為其後人者烏可不思景仰而紹續之邪  
若然則為斯譜之榮為世臣舊家之光雖累數百世誰有涯  
哉此伯昇末年倦倦修譜之意而三之所樂告者也是為序

新安文獻志卷九十六下

乙集

新安文獻志卷九十七

行實材武

新安節士俞君士英墓誌銘

李一初

乙佳

俞氏為新安世族其初繇蕃墩徙婺源之長田原凡三徙不出婺源其  
 後自婺源徙休寧之宏衝坦凡再徙乃居溪西是為溪西俞氏俞氏之  
 先自唐三府君而下世有令人有擢進士科登顯仕者有以武舉得寵  
 秩者又有以聯姻貴戚領三鎮節度使者其他或以世賞膺爵或以異  
 等入官或豐贖厚產或肥遯高蹈累累具載家乘至節士蓋二十有四  
 世矣節士名士英字服膺以大德癸卯正月六日生幼知讀書稍長能  
 為詩賦性謹厚事父母以孝聞處鄉黨宗族稱為善良平居終日言不  
 及生產勢利惟務教子習學業事耕稼遇姻戚友朋至則款曲談笑吟  
 咏至夜不倦家事悉付閭內一不以介于懷至正壬辰四方兵事競起  
 群盜合黨攻陷城邑婺源諸縣鄉井遭蹂躪蕩覆無遺獨溪西處深阻



得不相及者四年男耕女織晏然如承平時至乙未冬十有二月二十  
有六日蕪黃寇再陷婺源勢且旦暮相及節士攘袂奮臂而起曰事急  
矣吾可以坐受斃乎時徽州路府判兼僉浙東帥府事汪同領義兵  
駐開化節士遂裹糧詣其軍陳賊形勢請遣兵來殺賊救鄉里且謀  
復婺源於是汪帥兵以丙申正月十一日度白濟嶺抵婺源之中平遇  
賊乘勝肆暴橫戾不可支遂卷甲還開化民大失望節士迺率子姪結  
鄉曲募義勇屯于馬金嶺期以杜賊障鄉里十六日賊至馬嶺與賊交  
戰大捷明日賊復大至凡四戰力不敵衆遂潰節士仍力戰以死時年  
五十有四以辛丑秋八月葬婺源考川青蓮寺之後葬後又五年其仲  
子榮來鎮永新乃請予爲銘其墓予觀節士當太平盛時逸居而僻處  
無所營於世恂恂以善良稱此固他人所可能者及其攘袂奮臂而起  
志在殺賊竟蹈白刃以死忠憤激烈見義勇爲夫豈小丈夫所能哉况  
當時之爲守爲令以蒞民者爲軍帥以司備禦者爲方伯連年

藩閩之重者皆受國厚恩宜有以爲報而率不能死戰以捍賊至有  
風奔潰不能與賊交一鋒者視節士何如哉節士起布衣無一民一社  
之責特以忠義憤發欲殺賊以保障其鄉里且欲因是以復婺源事雖  
不就而志則可稱吾故謂使節士得守一城專一職則必能捍禦無有  
貳志一有不卒猶當罵賊而死必不肯含糊溷忍以苟其生而已也節  
士娶同縣山斗程知縣傅之女孫生三男長天保仲曰榮季曰華天保  
華皆謹重能世其業業尤慷慨達事變以材識見用于時嘗別建青蓮  
寺於節士之墓左而買田以供祠祀爲之銘曰

惟皇降衷若有恒性見義忘軀先危授命嗟嗟節士遭時孔艱邑里震  
蕩煙塵浩漫其來蜂喧其聚蟻集如狼斯貪如虺斯整騰山踔空孰窺  
其蹤侃侃節士挺戈與從扼其要衝拔我鐵阻率我子弟鄉曲鄰伍戰  
旣大捷賊疲困休且復聚集直彌陵丘以我孤羸敵彼群醜雖有智能  
莫措其手嗟嗟節士竟捐其軀功難不足義則有餘古之君子所徇者



吳萬戶訥傳

朱禮侍

吳萬戶訥字克敏休寧忠孝鄉人父禮至正末為廉州推官瀕海隣郡  
 兵起禮獨署事團練義卒保障一州以功陞欽州總管海南海北道元  
 帥守欽州十年卒訥不便於言而負才略倜儻不肯下人從父收五溪  
 洞蠻學兵法習騎射至正末斬黃盜破徽州待制鄭玉前進士楊維禎  
 薦其才於浙省授建德路判官兼義兵萬戶與元帥李克魯會諸軍于  
 昱嶺關復徽州維禎以文送之勉以張睢陽事歲丁酉 天兵臨郡元  
 帥鄧愈胡大海等自績溪進兵徽州守將八思爾不花及訥拒戰為大  
 海所敗訥與元帥阿魯輝退屯遂安札溪源巡邏至界首白際嶺復與  
 大海遇戰敗不屈自刎死時年二十七訥詩豪邁不羈與維禎相出入  
 有集五卷送萬戶吳克敏統兵復徽州序予讀唐張巡傳未嘗不奇也  
 天下承平日義士之習文墨議論者不知有名節風尚奇翰翰以童關  
 降房琯以陳濤敗巡以一書空不勝其憤率罷散之卒保丈尺之城屹  
 然砥柱中流以截滔天之勢非其才勇忠義得於天性者能爾乎至今  
 英風盛烈萬古猶一日也方今紅巾起淮泗蔓延江湘不啻安史之亂

也所過郡縣無不披靡任關外之寄者往往徇撓顧頓如輸如指  
 者不少也忠義勇烈如巡者果獨無其人哉新安吳克敏氏去年冬  
 予七老寮出其所為書詩凡若干首知其有志當世者予奇其人猶未  
 識其善武事商垣府相臣招致名士講及三關之事克敏聞之慨然有  
 擊楫中流之志無幾當路者以名薦相臣素聞其人遂命統兵若干會  
 諸軍於昱關予聞而益奇之其才勇忠義實有得於天性如巡者則知  
 嚮所為詩皆筆情之餘耳以克敏之文武才勇而又遇知己如相臣者  
 克敏當必古人自期以古人自期舍此奚屬哉於其別予而去予以巡  
 事告之至正十四年三月十一日李輔榜  
 老進士會稽楊維禎在錢唐之抱遺閣寫

元忠翊校尉十字路萬戶府鎮撫金公震祖行狀

金彥忠

嗚呼先公之行人無所不知而知之深者莫翰林朱公允升若也嘗以  
 公之行實自任顧當頌洞之秋東西奔竄隱顯殊途莫之遂耳今朋傳  
 凋落已盡無可復諉謹以耳目之所睹記者撫拾一二以幸不泯焉吾  
 金氏自七府君而至顯祖總管公四百餘年潛德幽光則有前進士弘  
 齋曹先生東阜陳先生師山鄭先生所為先世誌銘行實在公總管長  
 子諱震祖字賓賜晚號柴扉幼穎悟母夫人汪氏江南諸道行臺監察

御史良臣女家法嚴肅教公必循規矩甫七歲從東阜先生受小學即成誦十三治尚書十五習舉業又受易於雲峰胡先生繼晷焚膏弗得弗措公以講學居宿於外忽見妖祟逼近牀牘公叱而拒之因失聲喪志良醫莫治乃移寢朝陽樓調治數載一夕夢羽衣道士謂曰子疾非世七劑可療吾以還丹相遺可拜服之又長吟三十六年如夢覺百千萬里得官歸之句而去既覺舉身流汗聲已清而神已爽矣至元二年乃思夢中之句幡然走上都朝之賢士一見器薦之太史院從丞相太師秦王荅刺罕深入朔漠屢奏奇勲宣授忠翊校尉平江十字路萬戶府鎮撫既領戎樞動於職事正身奉物不雷同不阿比於是廉者敬之貪者忌矣是時元運將墮紀綱漸紊歲入蘆粟三萬議隱三之一焉公悅首不言退而歎曰竊位苟祿欺君辱身吾不爲也委疾東歸後同僚皆以是獲譴朝廷以大慶覃恩加贈父武略將軍江浙等處行中書省副都鎮撫飛騎尉休寧縣男毋汪氏休寧縣君子時季父太保府參軍

亦以疾留家朱紫滿門黃夫人年已八十尚康強武略公曰山居無事爲養杭有第宅亦猶家也乃與參軍奉太夫人遊武林居小清河坊又營別墅於西山一日宴湖舫與浙西廉副九聖奴酒後有言公告武略曰視彼辭色必有後憂案幾果被中傷憤鬱成疾而卒公不遑寧處欲即徃直而以襄事未終乃走書故友聞于上隨加竄殛而下制褒揚武略之誣公遂無祿仕心以柴扉自號禮聘婺源貢士王伯宣州判朱克正下帷以教子孫汪伯會朱風林鄭師山趙東山諸老儒則相與譚禮樂說詩書以師表後進無何兵起蘄黃蔓延郡縣故家大族不能自存公曰太平日久民不知兵若望風逃竄適爲賊資甚非保全身家之道乃率鄉人教以捍禦之法賊至二十八次皆賴公謀畫以濟又有賊帥項奴兒勢尤猖獗所過殘滅脅降公子申糾率義旅爲官軍耳目生擒項奴兒及渠魁數十人獻轅門公避兵石門山中後徃嚴陵誨跡安處者五年及平章三旦八統大軍克復聘公守本郡治中總管鄭傳翼等

保章有云器識宏遠智略淵深如准所言相與咨詢講究其於治政之方撫綏之道必有所裨又云練達時宜深諳韜略若令復親戎務必能展其雄才公雖奉命固辭不就及論申前獲賊功授七品秩公曰兒年少暴得大名不祥辭之再三平章嘉之達於朝奉詔命江西行省宣使八思不花旌表金氏忠義之門尋蒙優恤云金鎮撫父子捐生報國殄賊安民既施忠義於一時安忍流移於旁郡如將本官常加優恤庶幾激勸於將來其見重於時若此後入汪源虎跑之谷引泉為池依岩為屋扁曰樵隱因為號若將終身焉壬寅二月十一日忽整衣冠僕御以出歷故居由石田抵陽干凡在親族乍見公至驚喜相迎至暮乃歸猶弄孫嬉戲端坐寢榻奄然而逝嗚呼公初娶考水胡同知槃溪女資賄甚盛而未有出贈休寧縣君與姑汪氏同穴再張氏杜氏徐氏三男長符午張氏生襲公爵授千戶次符申杜氏生以討賊功授寧國等處權茶副提舉三符丑徐氏生以賢良孝弟舉授山西大同府同知五

女長適元貢士句容縣教諭戴尚文次適縣南朱州判孫彥修三適源元財賦總管汪某孫士占四適縣蕭縣知縣汪成德季子忠傑五適市南汪文達孫三人賞延楚府典儀慶延可延公生大德已亥九月十五日沒至正壬寅二月十一日壽六十四以洪武七年甲寅葬倪干松林下山惟公雄才大略豐功盛德孤不能形容萬一但次第其所見者于右以求大手筆而發揚之耳孤子符午泣血拜書

年江浙行省平章榮祿公總大兵勦賊盜於常湖進復廣德轉定徽州而吾邑人前鎮守平江路萬戶府鎮撫金侯賓揚之子申彥順以生得梁帥功授官寧國等處權茶副提舉人嘗曰彥順少壯不事鄉里取可一不蔽哉國家久承平吏民不識兵革徽治萬山間一聞盜至長幼相視不知死所侯方家居發鄉丁從縣令守亭障又募間遠行規賊虛買而上下已無固志矣不可為也乃遣其二子托于遠山而獨與中子中徽服懷入官符與推恩宣命宵逝惟留誠家人子弟善亡匿無為盜所汗而已俄而盜熾劫財奪物壯為軍即盜中呼項明威既對其最後擁眾來所過不掠民財惟索丁壯為軍即盜中呼項明威既對其自名不為動潛以告余曰吾義不辱也如兒至休寧遣其徒求金鎮撫甚急侯不為慮余時亦信其有可為者如兒知侯終不為屈且懼動眾心乃舍之而侯之慮愈深矣從如兒來有孫哲者收兵邑南里中為里人

吳相言家實殘於盜所以不死者欲得其當為父兄報讐爾相入其言以告所善同邑諸故名家子弟及敏一大姓得壯士可二千人期以夜掩盜不備獲項奴兒以迎官軍既而事不效諸弟子壯士雖馬相皆皆死之始相有謀告人曰金鎮撫許我千夫矣故從之者衆時事起倉卒侯初不知也於是項奴兒者遂以其衆長驅犯會府轉陷廣德掠常湖而東俄為官軍所敗棄其衆逃來彥直方以義士領丁壯從軍因率其鄉人起奮以執之夫以彥直奉親避寇間萬狀忠義之訓又著于其乘時一奮以據家廷積憤固宜而余適以為有天意者誠念此賊不授手豈非天欲以此昭金侯父子始終志節之固而謝邑人死義者俾釋恨於九原乎盜始逢起不相服屬惟奴兒稍傑黠為烏合所推使不見獲於斯則為諸郡之害未已也既送官大吏奪其功以畀所推使不見日盜復攻陷郡邑遂印侯鄉里而甘心焉侯挈家逃難建德城中而平章公之兵亦至矣平章公按隨功失策之由盡得軍簿倍謫蹤跡復以勢歸金氏而彥直始有摧茶之命蓋首尾一歲而事始白夫幕府書勢助交黷此後世用武通患也苟非平章公明斷不惑則彥直之事將聞抑不著而此時宣力者寧不解心於效命之日乎是果非人刀之所能為矣惡可謂非天也哉彥直思其先所積其遠不以一時功多賢於人自足當益樹勳猷以報國家而繼親志異時名譽日起爵秩愈崇則清朝賚功之典大著於天下而世之為忠義者將不惑於天人之際有所勸矣

蕭縣令汪公墓誌銘

汪荃萃

嗚呼時哉出處之難也惟蕭縣令汪公當兵革擾攘之際從容周旋克

保其家安全鄉里之民以歸于

天朝終又不失祿仕歸老于家是蓋人所甚難而能優為之豈非操心

制行之有素造物者亦陰有以相之與故人陳自新狀其行來為請墓

道之銘故不辭而誌之曰公名致道字成德吾徽之黟人也曾祖諱一

龍祖諱元號傳岩居士考諱太初俱有厚德隱不仕誌其祖墓者休寧

陳定宇先生櫟誌其考墓者前進士祁門汪克寬也母吳氏文獻故家

公自幼倜儻不群厥考延倪仲弘先生教篤義方之訓與弟存心成性

亦知勸勉元統甲戌公年十六弟年十二即喪其考率先將事哀毀盡

禮治喪葬祭稟奉倪先生一遵文公家禮事毋盡孝道總理家務植立

戶門鄉閭稱善越十年甲辰喪其母一循故典壬辰兵變所在剽掠乃

損家貲以保鄉里繼募義兵從官軍復郡邑主帥李克魯上其功署繁

縣簿歲丁酉天兵南下寧河王時僉樞密院事總兵克定吾徽公即以所部義兵散歸田里而籍其名數于有司邑令賢公之為人具書幣

禮請至仍牒委以縣簿率吏民往築郡城晝夜盡瘁民忘其勞歲癸卯  
郡守李納薦于 朝授滁州全椒縣簿之官未踰年改監安慶湖池  
規畫有方錫報優異中書省以才幹委覈鎮江之丹徒丹陽金壇民兵  
單騎而往躬循村落召集隣戚參詢互考實情無隱休役而家居者諭  
令還戍逃亡而戶絕者官錄其產鰥寡廢疾者削籍爲民既復命洪武  
戊申陞知徐州蕭縣地當南北之衝累年兵燹人民散逃下車之初竭  
力招懷禮下賢後恤孤抑強既踰時民極負歸耕庶務咸理治爲諸縣  
最俄有黠吏以飛語中公部使者廉公治行懲吏奸欺而公略不自辨  
唯求解印南歸使者嘆曰汪知縣忠厚長者乃從其請既歸田里日以  
詩酒自娛散步丘園遇田夫野老笑談忘倦自號高閑野叟公之出處  
進退大略如此至於友愛其弟至老不異待宗族鄉里恩義無爽接朋  
友久而能敬初倪先生葵未得地即與其弟謀捐重貲購地于余思塢  
力爲遷葬詳見東山趙汭先生改葬誌大抵公之接人待物忠信端慤

終始不渝故人無貴賤皆聽信之鄉里稱之曰成德之排難解紛如魯  
仲連望廬自訟如王彥方是蓋操心制行之有素者與公生於元之延  
祐己未七月十有五日歿于洪武乙卯之十月十有二日享年五十有  
七葬邑南五都西村之原負壬亥面巳丙是歲之十有二月十日也配  
李氏生延祐辛酉六月後公五年卒己未之二月二十有九日也子男  
三人敦禮敦義敦仁敦禮早卒敦義以故家子弟強之吏于邑坐謫壽  
春敦仁守先業崇拓基緒克承先志女一人適賓州同知金瑜休寧望  
族也既誌之復爲之銘銘曰

奚仕之艱自古乃然涇渭混合汨濁局宜巖巖城闈播播流泉土膏石  
泐獸潛鱗淵休哉惟公終始克全元之季世兵革寇攘旣完厥家以寧  
其鄉 天兵赫臨民安厥常 譽已著那避譽揚出覈民兵于彼丹陽  
義聲昭矣文華亦韡陞令于蕭政化敷美會未半載民歸如市志不終  
遂適歸故里邑氓號呼如失愴恃昔率義師保聚爲宜旣樂昇平民恬

以熙祿仕賦畧波潰于時行義卓卓如公者希壽終于庭生榮死哀桃  
溪溶溶西村北宅山峙川流允昭厥德令德允昭縣祖豐澤膏沃光融  
後胤繁碩勤之貞珉永徵無斁

處士誠齋許公溥化墓誌銘

汪榮峯

徽郡婺源縣懷金鄉三溪里誠齋許公諱溥化字次誠生至元丁丑十  
月二十九日自幼穎悟奉親孝及壯值元綱解紐疆宇瓜分遂率義師  
保障鄉閭續奉省檄命領屯兵戊戌冬

太祖皇帝遣院判鄧愈取徽抵邑公乃率眾歸附授院判汪同下管軍  
鎮撫董築星源翼城從攻樂平至太陽埠軍潰庚子歲隣寇作族人被  
害兄商野亦遭寇執公以財力援脫兄厄會駙馬王公克恭來鎮仍命  
總戎隨征昌化宣城開設德興縣治越五年沙汰官自定隊伍公願不  
仕辭歸故里銀溪築室侍兄如嚴父駙馬公聞其操略大書以扁其堂  
曰庸敬先輩韓仲濂為繪圖記其事厥後復歸舊址創小樓二間扁曰

小舫自為之記公蓄書好吟詩仲子貴安嘗編類成帙學者稱焉尤樂  
善好義以貧貧之助葬娶整朝里中橋道割私田為資建義祠以祭族  
之無祀者番易朱公遷嘗重其舉而為記原其胄出睢陽太守遠之後  
遂於住近地東偏設龕立像以奉之每春首率子姪羅拜祭奠集飲而  
退洪武壬申以老人應 詔面聽 宣諭回奉督挑堰塘官民咸悅戊  
寅夏復之京回至當途之鵝湖感疾於五月二十八日甲戌卒於旅舍  
其子奉柩歸葬里之上塢是年十二月十八庚申也享年六十二公曾  
祖諱允蘭為清華務副使祖諱文福穎州屯田總管考諱元祐故不仕  
公娶康山鍾氏生男三人長新安不壽次貴安鈞安女一人適福臨里  
程文貞孫男四人瑜瑛瑛瑛瑛瑛孫女七人其子貴安屬友生李  
公獻為狀其實來請銘弗容辭謝然觀其立心操行若此亦宜表而出  
之以昭示不朽遂銘之曰

本源深固歲久茂芳歲久茂芳其流則長觀諸許氏而知奕世之茂昌



也哉著存祠記著存祠者鎮撫許公祠也公世家婺源源懷金鄉三溪里  
授雄鋒將軍鎮撫嘗親星源城開德興縣克復昌化宣城諸處事平  
謝職退休以洪武戊寅五月二十八日卒葬里之塢原左春坊同直  
郎汪公仲曾誌其墓末樂癸未春忽神降于鄉言輒應凡水旱疫癘禱  
必驗鄉之故老交謂其子推和曰爾先府君生能保茲土沒能庇其民  
宜立祠以便子孫歲時薦享抑使鄉人知所景仰焉推和爰咨于眾卜  
諸禮經云致愛則存致慈則著存不忘乎心之義中書舍人程南雲  
大書其額且徵言記之按周禮祠春享也說者曰品物少文詞多之謂  
祠又求福曰禱得求曰祠古者諸侯有國大夫有家皆得立廟致尊神  
敬宗之誠降及後世將相大臣得立家廟而因陋就簡之日久類多得  
為而不為至於庶人勢有不得為者先正文公有惕於此創祠堂之制  
使上下皆可行之其意嘉矣今其書雖存而不知尊其制者亦鮮惟和詩  
書之齋對酌古禮立祠墓側歲時率子姓而下登降灌薦幽迥家間精  
神之所存慮之所及凡先公平日居處笑語嗜樂薰膏懷滄洋如  
况先公生能澤其民死能驚動禍福之以食茲土可謂靈也已作迎送  
神詩遺許氏子孫及其鄉人俾歌以祀公於無窮公諱溥化字次誠號  
誠齋其文章事業載墓誌茲不復述其詩曰詩山崔嵬兮許水泱泱  
儲其精兮毓立孔才奮興義於澤彼該功成兮不居明哲兮保軀  
令始終兮裕後靈不昧兮可嘯屢神降兮莫測禦旱乾兮疾疫嚴廟貌  
兮翼翼斯斯形靈兮無斁于姓兮誦說士庶兮林林仰遺風兮如在  
載兮式飲永樂二十一年癸卯  
孟秋中泮翰林檢討陳詩記

奉天靖難推誠宣力武臣特進榮祿大夫柱國中軍都督府左都督武安侯鄭公薨于大同訃聞

楊文敏公

宣德甲寅二月乙丑奉天靖難推誠宣力武臣特進榮祿大夫柱國中  
軍都督府左都督武安侯鄭公薨于大同訃聞

上嗟悼輟視朝二日遣官致祭賜棺及賻命有司營葬追封漳國公謚  
忠毅某年某月某日歸葬北京之西山葵里其子能既襲侯爵遂具公  
平生之槩來求神道碑銘予嘗叨總史職不獲有辭乃為序次之曰公  
諱亨世家廬州合肥按鄭氏譜世居歙之跳石元末徙居合州曾祖  
父五乙祖父大凡父用以公貴俱追封武安侯曾祖母劉氏祖母張氏  
母英氏俱追封夫人昔我

太祖高皇帝龍興淮甸公之先君子自和州率先應募積軍功授平陽  
右衛百戶陞大興衛副千戶歲癸亥公始襲父職公天資剛毅純篤壬

申出使漠北至斡難河撫輯鞏鞏還以勞陞密雲衛指揮僉事乙卯秋  
太宗文皇帝舉兵靖難命公攻薊州時都指揮馬宣城守不下公百計  
破克之遂生擒宣歸旋攻雄縣討直定俱大克捷陞指揮使及遼東軍  
圍永平

上親率諸將援之公賈勇奮進敵遂披靡旋師收大寧陞北平都指揮  
僉事未幾戰鄭村坦克紫荊關復廣昌所向無前明年庚辰取薊州大  
同大戰白溝河乘勝遂北直抵濟南陞都指揮同知滄州之役公軍北  
門北門葛糧所聚兩軍必爭之地公力戰破之又明年辛巳敗順德軍  
於深州夾河決戰勦戮尤盛葭城西水寨連戰俱捷遂耀兵廣平略地  
彰德所至皆下是冬陞中軍都督僉事歲壬午從  
上南嚮歷取諸縣及東平汶上等堡對敵小河鏖鋒靈壁擣泗州取鎮  
淮渡江克金川門內難既平  
上正大統策勦頒爵封公武安侯階勳如前白金文綺襲衣前後

不可勝計永樂癸巳夏奉命出關巡視山川險易撫輯軍  
備無紀遇有邊警擇難制敵公因奏調大同前備帶管東  
備置得宜自是各衛皆從所隸以聽調用尋奉勅領士卒築長安嶺城  
規畫有方人不知勞未逾月而城成歲庚寅以來

屢親征北虜公扈從每著勞績

仁宗皇帝嗣位念公舊德特命佩征西前將軍印充總兵官鎮守大同  
嚴斥堠固屯守胡騎遠遁不敢窺邊居常以清介自將服食之奉泊如  
也用是下人毋擾邊境輯寧

宣宗皇帝倚任尤重屢降書褒異之公生元至正丙申至是享年七  
十有九配夫人張氏子男三人長即能次熙次嘉女二人長適王友賢  
次尚幼孫男一人孫女一人於戲自古帝王之興必有才雄智勇之臣  
爲之左右以戡靖大難垂不刊之功故其子孫世世有爵邑與國咸休  
永無窮之聞焉若公遭遇

太宗竭誠効力奮不顧身崎嶇戰陣以佐助翊戴奠安宗社迨扈從北  
征鎮安邊陲其奇能偉績輝映後先者何其盛哉是宜勒銘豐碑昭示  
後世焉銘曰於皇

太宗有臣忠毅克殫心膂助順舉義崎嶇戰陣奮不顧身祇奉神謀用  
成大勲

皇帝曰吁有臣如是惟天所生

皇考所遺從征漠北屢效驅馳出鎮邊陲虜不敢窺長安之嶺其城萬  
堵營之築之士不知苦盛福遐齡逮事四朝功成不有位高不驕天不  
怒遺殞傷元老時論興嗟聖情悲悼聖情悲悼慨念元功式昭褒典賜  
謚追封婺源之原西山之巖巖鬱鬱松楸佳城是卜紀行有史銘功有詞  
後百千祀視此豐碑

奉天翊衛推誠宣力武臣特准榮祿大夫柱國定西侯追封  
國益武勇臨公貴神道碑

錢文直公

蔣周公之胤以國氏漢末有諱子文者淮南人仕為秣陵尉遂盜至鍾  
山下而亡大著靈異隆于祀典子孫散處于淮代有聞人而公其裔也  
然未有如公之顯者公諱貴字大富揚之江都人父從龍當元之季以  
義勇附

太祖起淮甸洪武十一年隸燕山中護衛侍親王之國即

太宗也公生有大志恒念父功屈人下甫冠即代役三十一年舉義克  
椎縣攻大寧戰鄭村塢取廣昌蔚州白溝河戰勝圍濟南回取滄州戰  
夾河藁城克西水寨敵將平安軍于肥河戰靈壁救泗州遂渡江入  
京師功成論次自十夫長陞至昌國衛指揮同知後征交趾四征沙漠  
敗阿魯台于九龍口洪熙元年復至大松嶺擒殺賊眾陞都指揮僉事  
調掌彭城衛事宣德二年四川松潘夷叛以公充右叅將率軍捕之首  
募鄉道從東路險絕處攀緣而進賊驚曰兵從天上來邪一日戰十數  
合以全勝聞賜勅有奪橋斬關如古良將之譽明年陞都指揮同知

鎮守密雲諸關番夷復叛仍充叅將討之尋陞左軍都督僉事充副總  
兵公謂夷性變詐非長驅撲滅患未可弭乃大閱士連破黑虎等四十  
餘寨斬首千五百級生擒稱是投崖箐死者無算夷遂寧謐

賜勅獎諭陞都督同知充總兵官佩平蠻將軍印鎮守其地凡事有利  
害悉奏罷行之就威州千戶所建州治興儒學使知所教列屯而耕易  
木柵以石遠近堡壘相望使知所守廩庾既足人心大安正統改元  
召還陞右都督時西戎僞王阿台等寇甘涼邊將屢失利 命公佩平  
虜將軍印率京營五千騎征勦凡陝西及甘肅涼州等處官軍悉聽節  
制兵至鎮番出魚兒海子哨還時虜酋把禿李羅率眾犯莊浪公命將  
禦之生縛李羅等百人又報阿台屯伏河西遂躡踪倍道至亂山奮  
勇衝入且追且殺至石城泉斬首二百餘盡獲其馬駝衣械虜有逃奴  
來言阿台所在公議即往副將李安沮之公拔劍厲聲曰汝任邊寄肉  
食且數年坐視其縱橫不制尚掉三寸舌以撓我師敢復諫者死乃策

馬前馳先賊遂擊陣而前生擒男婦數十人送官訊復知其不遠令軍  
士疾走至兀魯格見虜牧馬遂約衝馬群以鞭擊箭囊聲驚之馬盡佚  
虜既失馬皆挽弓步戰不決即令眾躍馬揮刀齊入以旗牌手督之遂  
大捷內擒一胡譯審自石城泉敗衄止餘八百情勇者公得其情乃分  
為犄角勢列五百騎為左右翼縱百騎登高峻疑之既遇賊夾擊轉戰  
逾九十里阿台亦窘死西土遂寧捷 聞 遣中官齎綵段白金宴勞  
封奉天翊衛推誠宣力武臣特進榮祿大夫柱國定西伯食祿千二百  
石給世襲誥券追封其曾祖三公祖八公公父從龍皆定西伯曾祖妣楊  
祖妣杜妣程皆伯夫人留鎮甘涼四年召還以雲南麓川宣慰思任發  
屢寇邊六年 命公充總兵官佩平蠻將軍印賜蟒袍銀盔甲以行公  
與總督兵部尚書王驥至雲南眾謂瘴發不宜進公謂尚書曰賊毒吾  
民甚可坐視邪遂遣兵勦之賊勢稍却師集金齒分三路進而公與尚  
書從中路合上江兵夾攻會南風大作縱火四焚矢石俱下如兩公乃

擐甲鼓勇而前賊大潰斬首十萬餘級江流盡赤移屯騰衝賊據木籠山爲連環七寨又驅象爲陣合數十萬人于馬鞍山公悉破之勢如拉朽直擣巢穴蕩無遺氛賊父子僅以身遁凱旋 詔戶部侍郎王質持羊酒迎犒臨清至則

上親慰勞遣中官賜金幣羊酒于家擇日御奉天門設教坊樂部勞平夷功陞定西侯三代考妣復封如其爵賊父子既遁聞被繫于緬甸八年 命公與尚書下緬取賊仍寵賜以行時緬人數報送至而潛以金樓船載賊離五十里而不至尚書謂公曰此給我也過江則絕我歸路且瘴癘將發不乘此而翦之可乎於是誘緬人聽賞公則往焚其舟大戰一晝夜其賊首已先去賊子思機發之在孟牙者亦遁去盡俘其妻孥象馬以還破其寨二百餘處賊夷遂平九年還

上復親宴勞加祿五百石賜白金百兩綵段十表裏楮幣一萬貫金酒器一副鞍馬一疋以寵異之公之子雄見賊去改率漢達官軍三十人追殺不及而賊已阨其後衆寡不敵遂自刎沉于江時年二十四其三十人亦從之死

上嘉其忠勇贈懷遠將軍彭城衛指揮使十二年瓦剌遣使來朝謀者知脫脫不花及也先俟使回即分兵入寇

上命公總兵禦之公至境嚴摧威武賊引去 召還嘉勞甚至十四年正月二十一日忽感風疾薨于家距其生洪武庚申十一月二十九日享年七十計聞

上震悼罷朝遣禮部尚書胡濙等諭祭前後十四壇及賜齋糧孝布明器等物追封涇國公謚武勇命工部營兆域于榆河鄉泥井里先塋之次而以其年七月六日葬焉既葬越月而瓦剌復寇遂有土木之變使公在豈遠至是哉其冬以公之孫瓌襲爵掌左軍都督府事成化初佩平羌將軍印充總兵官節制甘涼諸軍旣而守備南京管中軍都督府事忠毅簡亮克繩祖武而雅好文學達古今事變爲時所倚重公薨後

二十五年而隧道之碑未立琬狀公勲績來請予雖不獲接公然慕公  
 威望父矣而與嗣侯交且父聞公性淳厚體貌豐偉平居謙退如不能  
 臨敵則奮勇敢前以一當百故起自徒步建立殊勲追封三代列爵五  
 等與國咸休也可不載諸聲詩勒諸金石而使之顯示永久哉公初娶  
 李繼李皆贈封侯夫人子男五長義患足疾以琬封定西侯後公七年  
 卒次即雄次謙次讓次諫女五長適杭州前衛指揮使李剛次適密雲  
 衛指揮使劉容次適後府左都督長子馮泰次適羽林前衛指揮使李  
 秀次適富峪衛指揮使張勇孫男五長璟蚤卒次琬曰琰曰瑾曰瑜女  
 五武強伯楊能會昌侯長子孫璉求庸侯長子徐昌遵化衛指揮使張  
 璉其壻也銘曰

皇明開天六合重輝繫維蔣公世際龍飛起自淮甸繼奮燕山義旗所  
 指克濟艱難天位既正屢進其職從定交南復征迤北蠶被元孽擾  
 我邦垆公往禦之西涼以寧最爾麓邦負固連躉公復勦焉南荒以順

爰自三樞超登五爵貂蟬我我為時李郭龍章鳳詔三代同封鐵券金  
 書世求彌崇公之忠勇所向無敵三邊之靖式昭  
 帝極茂績方殷公忽長逝

天子興嗟有贈有謚有祭有葬有爵有嗣詒孫有謀以燕翼子生榮死  
 哀時孰儷焉公雖云歿遺風凜然榆河之鄉泥井之里琢石刻詞以彰  
 來裔謝凡五日命掌左軍都督府事

英廟復辟命總府軍官兵之謀大營者天順壬午入典宿衛  
 今上嗣位初立十二營命統其一尋詔佩平差將軍印綬兵鎮甘肅  
 至鎮堅堡嚴斥候請和權積邊防戰守西人賴之  
 詔還副守南京無總操江上六事曰足舟師和器械之工長  
 禁令恤重軍凡千餘言大畧謂南京國家根本長江為南京藩籬  
 之道宜重諸鎮甲午召還仍掌左府無督十二營時災異屢見復上  
 六事曰預防虜虜曰保寧曰避任曰撫災曰暫息操軍曰屯田高國  
 日修節戒器丙申命無總神機營成進太子太保甲辰秋虜大入邊  
 邊將失利詔佩平胡將軍印總京營兵往禦之至大同野口門出  
 考按形勢授方任能且四遣謀覘虜虜徙帳北走乃檄諸路嚴整遣兵  
 援威遠平虜偏頭關遮斬十餘并獲其戰馬以聞復出濟寧大邊糧兵而  
 還上言虜益遠邊關益困請班師許之乙巳詔修復靈宮命監護未  
 成而得疾有卒追封涼國公武大印以內廷太保無太子太傅越明年  
 七月十四日卒

五蔣氏先世居揚之江都遠祖實居歙之蔣家場嘗言于  
朝請下有司還其先墓田所在詔從之自號筠清公暇時賦詩  
以自適賓客過從觴酌竟日所著筠  
清軒集十卷奏議二卷雜文一卷

震益守陳公濟傳

家乘

公諱濟字伯舟休寧陳村人定字先生櫟之從孫也少負材畧元季從  
鄉兵保捍鄉里丁酉天兵下徽州隸衛國公鄧愈從下江西授百戶  
調守末新勦平羣盜招納降附公功居多洪武十年請老以子餘慶代  
職十四年新平雲南朝廷記其功詔起為雲南震益州知州優昇祿  
秩撫安諸夷州境大治餘慶征南歿于陣詔遣行人成名諭祭命次  
子彞襲陞天策衛副千戶二十九年以屢戰有功陞清浪衛指揮使事  
未樂初從征交趾卒于忠襲正統八年征麓川歿于陣子節襲陞指揮  
使屢以征苗功陞湖廣都司都指揮同知卒于景襲武昌左衛指揮使  
公累世以忠勇聞墓在陳村月形原歲久為里人侵葬族曾孫彞威聞  
官復之

明威將軍潘陽中屯衛指揮僉事程公佑墓誌銘

家乘

公諱佑字彞彰故贈兵部尚書兼大理卿諱晟府君之中子

太子少保襄毅公之弟敏政之叔父程氏世居徽之休寧出梁將軍忠  
壯公之後族大以蕃具程氏統宗譜及先塋之碑其居陪郭者在

國初有安定忠愍侯以勳烈聞事載實錄其兄之子徵君諱杜壽尚

書之考也以註誤隸尺籍于河間再世矣至襄毅公與公始奮跡文武

以為其先人之光今不幸皆下世公則無憾而為其子姪者何所恃以

為歸乎於是敏政聞訃為位以哭又序而刻其墓中曰公少為父母所

鍾愛襄毅公親督教之然公志武讀書之暇輒復私出與少年習騎射

及諸戎事業已精而襄毅公始知之曰是亦足以顯矣正統己巳之變

守臣以將才舉于朝少保錢唐于公方督諸軍事立公閱武場親試

之能奏于官未上會虜入大同公上書乞自効從大將往遇賊于雷公

山先登陷陣軍中以為勇分援代州與賊戰城下連日夜解其圍又以  
選兵劫虜營于西我口奪還其所掠授潘陽中屯衛百戶天順戊寅襄  
毅公視師遼東公從至金復海蓋諸州而還虜寇陝西公復從尚書白  
恭敏公出固原時大雪不知虜所在公率探騎自間道覘之于紅崖川  
還報幕府乃發兵擣其營于打刺赤公亦生致虜酋一人入奏捷  
賜宴資陞武略將軍副千戶四川貴州山都掌之蠻屢叛殺邊吏襄城  
侯李公奉 詔往討而以公從時襄毅公督諸軍事公不以自驕願分  
隸偏裨下其豹尾箐及海納諸寨而五村峒號天險公復與敢死士連  
破之俘賊甚衆并獲銅鼓數十成化初凱旋陞明威將軍指揮僉事加  
賜資初公率練所部士于京營十年至是乃用薦還治衛事又十餘年  
而疾作矣公性易直有懷即吐不喜齷齪士人有不可面折之不怒喜  
飲樂遊遇文人韻士雅歌投壺必傾倒乃已然事兩尚書府君及祖母  
汪夫人母張夫人極孝謹受責不敢措一詞居喪泣血比于孺子襄毅

公以剛聞天下公事之如父不命之坐不敢坐其待內外親媼雖甚所  
不足者枯朽間隨釋無宿怨其居官未嘗以股削為事故不以田宅服  
用不及人為慙此皆敏政之所親待而知者不敢溢美以重不敬之罪  
也公生宣德己酉五月十二日得壽六十以弘治戊申二月十八日卒  
配劉氏封恭人子男五長敏聰當世公官次敏芳次敏哲次敏宏次敏  
堅女五長適大同中屯衛指揮錢鐸次適滄州守禦千戶趙瑛次適潘  
陽中屯衛指揮曹澄次適千戶舍人何玄次尚幼憶丁未之冬敏政奉  
詔考士于南京還取道河間候起居時公已屬疾執手歔歔哽不能語  
久之岷然起呼酒相慰勞令盡觴曰後恐不復見汝矣嗚呼言猶在耳  
孰謂此別而真成末訣也哉公墓在祖塋西南塋以卒之歲四月二十  
七日銘曰

程顯江南孰闕其逢明威奮揚為北之宗北伐南征克世其武孰浚其  
祥忠壯維祖紆金曳紫亦孔之榮胡命之淑而不永齡奕奕崇丘瀛東



之里公安于斯我悼曷已

新安文獻志卷九十七

乙集



詩

乙集